


دار الفنون الکتابیات و کتب و کتب و کتب

تاریخی ، اجتماعی ، دینی ، فلسفی

آگستوس - ۱۹۲۸



نہزادہ بانو اوقاف مطبعہ سی

۱۹۲۸

« متافیزیک » ه مدخل [۱]

متافیزیک تعریفیله مطلق مفهومك تلقیلری آراسنده بر مقایسه یا پیلسه فیلسوفلرک بر شیشی بیلیمک خصوصنده کی ظاهری بوتون اختلافلرینه رغماً بر لرندن چوق فرقی ایکی بیلگی طرزی آیرمقده متفق اولدقلری کورولور . بولردن بری بوشی اطرافده دویمکی ؛ دیگرکی بوشیک ایچنه کیرمکی استلزام ایدر . برنجیسی ؛ یرلهشدیکلر نقطه نظره و بونقده نظری افاده ایچون قولانیلاجق سه نبوللره تابعدر . ایکنجیسی ؛ هیچ بر نقطه نظره قایلما دینی کبی هیچ بر سه نبولهده استناد ایتمز . برنجی بیلگی ایچون اضافی relatif ده توق ایدیور ؛ ایکنجیسی ایچون ده ، ممکن اولدینی یرده ، مطلق absolu ی استهداف ایدیور ، دینر .

مثلاً بیلنه جک شیء بر شیک مکانه کی حرکتی اولسون . بوشیشی ، بولوندیغ یرک متحرک ویا غیر متحرک اولماسی نقطه نظرندن ادراک ایدرم . صوکراده محور یاخود نقطه استنادلرینه یعنی کندیلرینه ترجمان اولاجق سه نبوللره کوره مختلف صورتلرده افاده ایدرم . هر ایکی حالدهده اوشینه خارجدن باقدیغ ایچون بومضاعف سبیدن دولایی بیلکینک بو طرزینه اضافی تسمیه ایدرم . مطلق بر حرکتدن بحث ایتدیگم زمان ، متحرکه عینی زمانده بر باطن ، حالات روحیه کی برشی تقویض وینه عینی زمانده بوحالده سه نپاتیزه یعنی همحال اولارق مخیلهك برجه دیله آرایه کیریورم . بوتقدیرده اوشی ، ایستر متحرک ، ایستر غیر متحرک اولسون ویا ایستر بوه شو حرکتده بولونسون بن عینی شیشی دویوب یا شامایه جغم . و آرتق دویوب یا شامایه جغم شیء ، موضوع حقنده قبول ایده بیله جگم نقطه نظرلر اولمایه جقدر ؛ بالعکس شیک بالذات ایچنده بولونا جق و بونک اصلی و اساس original نه ، دهادوغروسی ابتکاری وارلغنه صاحب اولق ایسته دیکمدن اونی سه نبوللره ترجمه صورتیه افاده دن ده واز کچه جگم . خلاصه ، حرکت آرتق خارجدن قاورانمایوب عادتا بنده ، عیناً کندی حالت و ذاتنده ، فقط درونی طریق واسطه سیله ، قاورانه جق و بصورتله بر مطلق آله ایدیه جکدر .

فرضا بیلنه جک شیء ، ماجرالری بکاتقل ایدیلن بر رومان قهرمانی اولسون . رومانچی

[۱] « ره وود متافیزیک نه مورال » مجموعه سنک (۱۹۰۳) سنهی نسخه لرندن ترجمه ایدیلشدر .

قهرمانك مزاج و سجيہ سنی كوستره جك و قعه لری تكثرواونی ایسته دیكی كی قونوشدروب
حركت ایتدیره بیلیر . فقط بونلردن هیچ بری بنم برآن ایچون بالذات قهرمانله همحال
اولمقدن دویه جفم بسیط و لایتجراحسه تقابل ایتمز . قهرمانله بالذات همحال اولدیغمده اونك
بونون فعل ، ژهست و سوزلری بر منبع صوبی كی بكاطیبی بر صورتده آقار كورونه جك
و آرتق بونلر قهرمان حقهده کی فکری ، اصلا تماملامه سزین ، بر برینه علاوه ایدیلن حال
و وقعه لر اولمایه جقدر . قهرمان شیمدی تمامی ایله بنده در واونی تظاهری ایتدیره
بیكدرجه حال و وقعه لر ، قهرمان حقهده کی بر نقطه نظر فکری نه انضمام صورتیله بونی
زنکیلمشدره جك یرده بالعکس قهرمانك جوهری نی توکتمکسزین یا خود فقیرلشدیرمکسزین
اون نقطه نظر دن آریلش بر حالده بنده كورونه جکدر . قهرمانه دائر بکا نقل اولونان شیلر
هپ اونك حقهده کی نقطه نظر لر در . او نی بکا تصویر ایدن بوتون شمائل ، اشعار تلردن
عبارت اولوب قهرمان بونلرله آنجق سه نبولیک بر صورتده افاده ایدیلیر و بکا آنجق اولحه
بیلدیکم اشخاص و یا اشیایه قیاساً طابیتیه بیلیر . سه نبولار و نقطه نظر لر ایسه بی قهرمانك
خارجنده بر اقیر و بکا ذاته خاص اولان شیلری دکل ، اونك دیگر لر یله اولان مشترک
فعل و حال لر نی بیلدیر . قهرمانك بالذات کندیسی یعنی جوهری ، درونی برشی اولدیغندن
خارجدن كوروله مه دیکی كی دیگر هیچ برشیه دخی قیاس ایدیه مدیکی ایچون سه نبولر له ده
افاده ایدیه منزه تصویر ، حکایه ، تحلیل ، بوتون بوشیلر بزى اضافیده بر اقیر . یالکیز
بالذات شیخس ایله همحال اولمقدن درک مطلق و برر .

ایشته بو ، و یالکیز بومعناده مطلق ، « کمال perfection » ك مترادفیدر . بر شهرک
ممکن اولان موقعا لر دن آیینمش فوطوغرافیلری بر برلری ایسته دکلی مقدارده تمام لایه جق
قادار جوق اولسونلر ، بونلر بر درلو ایچندن طابیدیفمز و ایچنده دولاشدیفمز شهره معادل
اولامازلر . کذا بر شعر یا بانجی هر هانکی بر لسانه نه درجه اهتمامله ترجمه ایدلسه اصلنده کی
درونی معنایی اصلا افاده ایده منزه هر هانکی بر نقطه نظر ك تأمین ایتدیکی تصور لر ، شو و یا
بوسه نبولر له یا پیامش ترجمه لر اصللره نسبتله دائماً ناقصدرلر . فقط مطلق ، اصلک تماماً
کندیسی اولدیغندن عینی زمانده مکملدر .

هیچ شبهه سزینه عینی سه نبیله مطلق ایله نامتناهی : infini دخی اکثر یا مترادف
صایلمشدر . اسکی یونانجه بی هیچ پیامه یی بر آدامه (هومر) دن بریتك بنده بر اقدینی
انطباعی نقل ایتدیگمده اولایتی ترجمه ، صوکر ا ترجمه یی تفسیر ، ده ا صوکر ا تفسیری تفسیر

ایتمک و بویله جه ایضاحدن ایضاحه کیتمک صورتیله بوانطباعه بر پارچه دهایا قلاشسه مده اصلا واصل اولامام . کذا قولکیزی قالدیردیگکز زمان بو حرکتک بسیط برادرا کنه ایچکزدن صاحبسکیز . فقط بونک برده سزدن خارج اولان بنده کی ادرا کنی صورکز : قولکیزک ساده جه بر نقطه دن قالفوب دیگر بر نقطه یه کچدیکنی کوروپور و صایمق ایسته سه م بونقطه لر آراسنده نامتناهی نقطه لره قادارده کیده بیلپورم . دیمک که ایچدن کوروشده بسیط بر شی اولان مطلق ، خارجدن یعنی باشقه بر شینه اضافله کوروشده نامتناهی بر صورتده تجزی ایده بیلپور . احواله هم غیر قابل تجزی ، هم ده نامتناهی بر صورتده قابل اولابیلن بر شی ، تعریف نتیجه سنده ، بر نامتناهیدن باشقه بر شی اولمادیغندن غیر قابل تجزی بر آکلایش اولان مطلق بیلکی ایله نامتناهی بر صورتده قابل تکثیر اولان اضافی بیلکی آراسنده اکثریا عینیت کورولمه سی پک طبیعیدر .

بومقدمه دن مطلقک آنجق حدس : intuition ده اولدینی و متباقی بوتون بیلکیلرک تحلیل : analyse دن نشأت ایتدکری استخراج ایدیلیر . حدس ، اولیه ذهنی بر سه نپاتی : sympathie intellectuelle در که بونکله بر شینک اشسز و بالنتیجه غیر قابل افاده ماهیتی ایله هم حال اولمق ایچون اوشینک ایچنه برلشیلیر . تحلیل ایسه بالعکس بر شینی اولجه معلوم اولان عنصرلره ارجاع ایدن ، باشقه بر تعبیرله بر شیه دیگر آراسنده کی مشترک جهلری بولان بر عمایدر ؛ ده دوا دوعروسی تحلیل ، بر شینی کندیمی اولمایان بر شینه کوره افاده ایتدکدر . بوسیدن هر تحلیل بر ترجمه ، سه نبوللرله بر ایضاح ، یکی بر شینک اولجه بیلندیکسه اینانیلان دیگر شیلرله متوالی نقطه نظرله کوره تماس و مشارکت نقطه لرینک بر تصویریدر . بونک ایچوندر که اطرافنده دونه که محکوم اولدینی شینی آکلامه نک من الازل تسکین ایدیله مش آرزوسنده محبوس اولان تحلیل ، ا کسینک قالان فکرلرینی تاماملامق ایچون دائما رؤیت زاویه لرینی نامتناهی بر صورتده جو غالتهمده و دائما ناقص قالان ترجمه سی مکمللاشدیرمک ایچون متصل سه نبوللرینی تنوع ایتدیرمکده در . فقط حدس ، ممکن اولدینی تقدیرده بسیط بر عملدر .

بونلر معلوم اولدقدن صو کرا مثبت علمده کی معتاد افعله نک تحلیلدن عبارت اولدینی و هر شدن اول سه نبوللرله چالیشدینی پک قولای کورولور . حق طبیعت علملرینک مشخصلرندن اولان حیات علملری بیله ذی حیات مخلوقلری آنجق مرئی اولابیلن شکللری ، اعضالری و تشریحی عنصرلرنده و بر قسمک شکللرینی دیگر قسمک شکللریله مقایسه ،

اك معضللرى اك بسططره ارجاع ونهايت حیاتك ایشله ییشنى كوزله كوروله بیله جك ظاهرى اعراضده تدقیق ایدر . برشائىق اضافى بر صورتده بیلمكدنسه اونى مطلق اولارق آلدله ایتدیره جك وشائیت حقنده نامتناهى نقطه نظرلر قبول ایتمكدنسه شائیت برلشدیره جك وتحلیل یرینه حدسه صاحب ایدم جك، الحاصل شائىق هر درلو افاده، ترجمه وسه نبوليك تصور خارچنده یا قالاته جق برواسطه اولسه یدى، ایشته بیلمكینك بودرلوسى متافیزیکك تا کندیسی اولوردى . شو حالده متافیزیک، سه نبوللردن واز كچمك ادعاسنده بولونان بر علمدر .

*
* *

هیمزك تحلیل ایله دكلده حدس واسطه سیله ایچردن قاورادیغمز هیچ اولمازسه بر شائیت واركه . بو، بزم زمان ایچنده آقان کندى شخصمز ؛ امتداد ایدن کندى انامزدر . بوندن غیرى دیگر هیچ برشى ایله ذهناً سه نپاتیزه اولمایه بیلیرز ؛ فقط کندى کندیملزه سه نپاتیزه اولدیغمز محققدر .

شخصى غیر فعال فرض ایله، اوزرندله شعورمك درونى نظرینى دولاشدیردیغم زمان اوله سطحده مادی دنیادن كلش و رقابوق کبی قاتیلاشمش ادراكلر کوروپورم . بونلر واضح، منفصل، بربرى اوزرینه قونمش ویا قونه بیلیر بر حالده وكافهسى اشیا: objets حالنده طوبیلاغمه چالیشمقده درلر . دها صوکرابوادرلر کله آز چوق ملتصق وبونلری تفسیره خادم خاطرلر کلیور ؛ بونلر شخصك اعماقندن آیریش وکندیلمرینه بکزمه ین ادراكلر طرفندن محیطه جذب ایدیش کیدرلر . واصلا بنم کندیملر اولمایوب اصل هویتك سطحنده درلر . ونهايت تحلیللرله حرکی اعتیادلرومذ کور ادراک وخاطره لره آز چوق صیقى برصورتده مربوط بالقوه برچوق افعال کلیر . ایجه قرارلاشمش اشکالده اولان بوتون بو عنصرلر بکا، بربرلردن نه قادار منفصل ایسه لر انامندن ده اوقادار منفصل کورونورلر . هپسوده داخلدن خارجه متوجه اولدقلردن مجتمعا خارجی عالمه دوغرو کینیشله یوب نابدید اولغه کیده برکرنك سطحى تشکیل ایدرلر . فقط بن محیطدن مرکزه دوغرو چکیلوب انامك عمتنده کی اك دیکشمه زء اك مستمر واک غیر منفصل کندیملر، اصل انامى آراسمه، بسبتون باشقه برشى بولورم .

شعورمك یختیلاشمش سطحى آلتنده بر آقیش دیومت Continuité ی واركه ایشته بو، هیچ بر آقیش ایله قابل قیاس دکلدر . بو، اویله بر حالات توالیسیدرکه بونلردن

هر بریسی کنديسندن صو کرا کله چکي بيلديريديکي کبي کنديسندن اولکيلري ده احتوا ايدهر. دوغروسی، بونلر آنجق ياشاندقن و خاطره لره منقلب اولدقن صو کرا درک کثير حالات تشکيل ايدهر لر. فقط حس اولونوب ياشانيرلرکن بالعکس اوقادار محکم برتعضو ومشترک برحسانله دريندن جانليدرلر که ايجلرندن هر هانکي برينک نره ده بيتوب ديکريک نره ده باشلا ديفي سويله مک قابل دکلدر. چونکه حقيقت حلاله هيچ بری نه باشلار، نه ده بتر؛ بلکه هپسی بربری ايجنده اوزايوب کيدهر.

تشبيه جائزه بوديمومت، برطوب قوماشک يو وارلاندقجه آچيلمه سني آکديرر. چونکه رولنک ياواش ياواش نهايته ايرديکني حس اتمه ين هيچ برذي حيات يوقدر؛ وياشامق اختيار لامق ديمکدر. فقط بوتماي عيني زمانده براييلکک يوماغه صاريليشي کبي دائمي بر صاريلشديرده. زيرا حالدن طولانلانرله متمايأ بو يوين ماضيمز ي دائما تعقيب ايدهر. بونک ايجوندر که شعور ديمک حافظه ديمکدر.

دها دوغروسی بوتماي نه بر آجيلش، نه ده بر صاريلشدير. چونکه بوتشيه لره اقسامی متجانس و بر برلرينک يرينه قائم اولاييله چک خط وسط حلوک تصويري خاطر لاتير. حال بو که بر ذي شعورده يکديکريک عيني اولاجق ايکي آن اصلا يوقدر. مثلاً ک بسيط برحسی آلام و بوني مستمر فرض ايدهرک بوتون شخصيتي اونده کورهم؛ بو حسه مترافق اوله جق شعور، متوالی ايکي آنده عيني قالاماز؛ زيرا متعاقب آن، مقدم آنک بر اقديفي خاطره يي بهمه حال احتوا ايدهر. ايکي عيني آنه صاحب اولاجق بر شعور، آنجق حافظه سز يعنى متمايأ دوغوب ثولن بر شعور اولاييلير. حافظه اولماسه يدي غير مشعوريت تصور ايديله بيليرميدی؟

شعورک آقيشنده کی منظره يي کوز اوکنه کتيرمک ايجون بوني بيکگرجه رنکک تظاهري ضابط ايدن و بر رنکدن ديکرينه غير محسوس برصورتده کچان بر طيف کبي دوشونه لم: فرض ايدهرم که رنکک هر بريله بو يانه رق بو طيفدن کچه چک اولان برحس جرياني صيره سيله بوتون بورنککري دويوب ياشيور و بونلردن هر بری متعاقب تحولي تلقين ايتديکي کبي مقدم تحوللري ده کندنده اجمال ايديور. فقط بر طيفده کی متوالی رنکک بر برلردن دائما خارج اولدقلى کبي بوراده کی تواليلرده بر برلرينه انضمام صورتيله در. فصله اولارق بو رنکک هپسی برر مکان اشغال ايدهر لر. صيروره صرفه *durée pure* يعنى حقيقي شعور آقيشي ايسه بالعکس نه خارجي بر انضمام صورتيله متمايأ، نه ده مکانی اولما ديفندن بو قبيل تصورلرک کافه سني دافندر.

اوله ایسه ترجیحاً بالفرض ریاضی بر نقطه قادر اصغر نامتناهی درجه‌ده بوزولش برلاستیک تخیل ایده‌لم. شیمدی بونی نقطه‌لقدن چیقاره‌رق تدریجاً و متماًدیاً بویون برخط حالنده چکلم و بواننده دقتمزی خطه دکل، فقط خطی چیزه فعله تثبیت ایده‌لم. بوفعلک بلا توقف یاپیلدینی فرض ایدیلیرسه امتدادینه رغماً غیر قابل تجزی اولدینی کورولور. آرایه برتوقف ادخال ایدیلیرسه بریرینه ایکی فعل یاپیلمش اولور. بوفعللردن هربری ینه عینی ماهیتده اولارق غیر قابل تجزی در. وبوفعل اصلاً قابل تجزی اولمیان فعل متحرک کندیمی دکل فقط مسافنده براین حالنده وفعل مذکورک تحننده مرتسم بر خطدن عبارتدر. الحاصل کندمزی حرکتک آلتنده اوزانان مکاندن قورتاره‌رق بالذات حرکتیه، محض حرکتیه باقه‌لم. ایشته آنجق اوزمان صیورده حالنده کی اناضک انکشافه دأردها صادق بر خیاله صاحب اولورز.

مع مافیه بو خیالده ناتمام و ذاتاً بوتون قیاسلر کفایتسزدر؛ چونکه امتدادمزک آجیلشی بعض جهتلردن طوبلانان بر حرکتک وحدتنه، دیگر جهتلردن ده آجیلان برکثرت حالانه بکزه دیکندن هیچ برتشیه بوجهلردن برینی فدا ایتمکسزین دیگرینی تصور ایتدیره‌مز. بیکلرجه رنگ آتاتی حائر برطیفه تشبیه ایتسم کوزمک اوکنه تماماً اولمش بیتمش برشی کلور. حال بوکه صیورده *la durée*، متماًدیاً اولمقدمه در. اوزیان برلاستیک ویا آجیلوب قابانان برزنبک کی تصور ایتسم یاشامش صیورده یه خاص اولان کیفیتلری اونوته‌رق شعورک برآندن دیگرینه کچیشندن عبارت اولان بسیط برحرکت کوره‌جکم. درونی حیات ایسه کیفیتلرده تنوع، ترقیایده دیمومت واستقامتده وحدتک هب بردن، یعنی عینی زمانده حصول بولوشی اولدیغندن شعورک آقیشنی خیالار *les images* له کوسترمکه امکان اولمادینی آکلاشیلیر.

مفهوملر یعنی مجرد، عمومی، بسیط فکرلرله کوسترمک ایسته‌نیلیرسه دهافنا اولور. الحاصل شعورمک بالذات کندی آقیشندن آلدیغ اوریشینال دویغونی هیچ برخیال ایله افاده ایدمه‌جکم شبه‌سزدر. فقط بونی یاغیمینی تجربه ایتهمده ضروری دکلدر. کندی وارلغنک یاییجی امتدادینک حدسنی دویه‌یله جک راستعدادده اولمیان کیمسه‌یه بونی نه‌مفهوم، نه‌ده خیاللر ویره‌بیلیر. فیلسوفک یکانه موضوعی، اکثر انسانلرده بولونان معیشته ده نافع ذهن اعتیادلرینی مننه متوجه برنوع ذهنی سعی استجلاب ایتک اولمالیدر. مفهوملره نسبتله خیال *image* ک محسناتی شودرکه بزی هیچ اولمازسه مشخصدن آیرماز. واقعا

هیچ برخيال، صبروره نك حدسى يرينه قائم اولمامقله برابر مختلف ماهيته اشيدان مختلف خياللر آلاق بونلرك تأثيرلى محصله سيله سزيله بييله جك بر حدس نقطه سنه قادار شعورى سوق ايتك ممكن اولابيلير. امكان نسبتنده مختلف خياللر سچيلمه سى ورقيلرك بربرلىنى دفع ايتملرى سياه سنده بونلرك حدسى دعوت ايتمكدن عبارت اولان وظيفه لرى يرينه حدسك موقعى غضب ايتملرينه مانع اولونور. مختلف وجهده اولمالرينه رغماً بونلر حقنده روحزدن عىنى دقى وعىنى درجهده توترى ايجاب ايتديرمك صورتيله شعور ياواش ياواش اوليله خصوصى ومعين براستعداده آلدشديريليركه بونك نتيجه سنده اونك كندى كندينه قارشى عيان كورونمهنك قبولى بر مجبوريت اولور. يالكىز اونك بوجهده راضى اولماي ده لازمدر. زيرا بويابيلمادجه هيچ برشى كورونمز. يابيله جق شى، مطلوب اولان جهدى ايفايه مجبور ايدده جك بروضعيته ساده جه يرلشمك وحدسه بالذات واصل اولمقدرد. عكسى تقديرده بوقبل برموضوعده چوق بسيط مفهوملرك شو محذورلى واردرك بونلر حقيقى سانبول اولملرى وسه نبوليزه ايتدكارى موضوعك يرينه كچمهلرى دولاييسيله بزدن هيچ بر جهده ايسسته منزلر. بومفهوملره ياقيندن باقارسق كورورز كه هپسى دالات ايتدكارى موضوعك اوريزينال جهتنى دكل، بلكه ديكر موضوعلره اولان مشاركت ومشا بهت نقطه لرينى ضبط ايتملر، يعنى موضوعى، مشاهلريله مقايسه : *comparaison* ايتملر در. مقايسه، برمشا بهت كوسترمك؛ مشا بهت، موضوعك برخاصه سى اولمق، برخاصه ده بوخاصيه مالك اولان شينك ير جزؤ : *partie* كى كورونمك دولاييسيله مفهوملى مفهوملره علاوه صورتيله موضوعك اجزاسيله برلكده كلنى وجوده كتيرديكمزه وبو صورته موضوعك ذهنى برمعادلى آله ايتديكمزه قولايجه قانع اوليورز. مثلاً وحدت، كثر، ديموت، متناهى، نامتناهى، قابل تجزى ودها بوكا بكمزه مفهوملى صيره لامقله صبروره نك صادق برتصويرنى وجوده كتيرديكمزى ظن ايديورز. ايشته اصل وهم بوراده اولدينى كى تهلكده بوراده در. مجرد فكلرلر تحليله يعنى برموضوعك كندندن غيرى شيلرله مناسبتلرينك علمى تدقيقنه نه قادار چوق خدمت ايدهرسه حدسك يعنى متافيزيك استقصانك يرينه قائم اولمغه ده اونستنده اقتدار سزدر. چونكه متافيزيك استقصا، برشينك اوريزينال نقطه سنى استهداف ايدهر كن علمى استقصا عمومى ومشرتك وجوهى، غيرشخصى جهتنى استهداف ايدهر. احوالده بزه شائينتك يالكىز كوليكه سنى عرض ايدهلرك اصوللريله اصل شائينتك آله ايديله بييله جكنه اينانمق يهوده در. همده بوكا اينانمق يالكىز وهم دكل،

بویوک برتهلکه در . چونکه مفهوم ، یالکز تجریده قالمایوب تعمیمده کچر؛ وخصوصی
 برخاصه یی آنجق نامتناهی شیلرله مشترک قیلمق شرطیله تجرید ایده بیلیر. دیمک که مفهوم ،
 بوخاصه یی دائما آز چوق تعمیم ایتمکه شکل اصلیسند بر اقایوب بوزویور . هرشینک
 خصوصی واوریشنال خاصه سی سزمکه چالیشان متافیزیک ایسه بالعکس موضوعیله همحال
 اولیور؛ ویا هیچ اولمازسه اونک قالینه دوکوله رک اصل شکلی قبول ایدیور . برشی
 متافیزیک ساحه سندن چقاریلوب بر مفهوم ایله ارانه ایدیلنجه بومفهوم اوشینه مائل اولانلری ده
 احتوا ایتک مجبوریتده اولدیغندن ، شئی آشمش اولور . الحاصل بر شئیک خواصندن
 تشکیل ایتدیکنمز مختلف مفهوملر بوشئیک اطرافده اوقادار چوق دها کنیش دائرلر
 چیزه که بونلرک هیچ بری اوکا هیچ بر صورتده مطابق کیز. عینی برشیده ایسه خواص ،
 عینی زمانده او شئیک هیئت عمومیه سیله برلکده بولونیوردی . علمی تحلیل بو عینیه
 وارامادیغندن برشئیک کندی کندیسیله مطابقتی تأسیس ایتک ایچون برالصنع آراغده مجبور
 اولاجقدر . بونک ایچونده مذکور مفهوملردن برنی آلاجق وبونلکه دیگر مفهوملری
 برلشدرمکه صاواشه جفز . فقط بوبرلشدرمه ، شو ویا بومفهومدن حرکنتمزه کوره عینی
 طرزده اونسایه جقدر . مثلا وحدت ویا کثرت مفهومندن حرکت ایتدیکنمزه کوره
 صیورورنک متکثر وحدتی باشقه باشقه آکلایاجفز . الحاصل هرشی ، مفهوملر ایچندن
 شو ویا بوکا عطا ایده جکمز قوته تابع وبوقوتده دائما عندی اولاجقدر ؛ چونکه
 شیدن استخراج ایدیلش اولان مفهوم ، بر جسمک کولک سندن باشقه برشی اولمادیغندن
 قوتسزدور . تدقیق ایدیلن شأیت حتمده خارجی نقطه نظرلر موجود اولدجه وبوشأیتی
 کندندن کنیش دائرلرایچنده حبس ایتک ایسه دیکه مختلف برچوق مبسملر چقاجنی ده
 میدانددر . بسیط مفهوملرک محذورلری ایسه موضوعک یالکز مشخص وحدتی برچوق
 مجرد افاده لر پارچالامقله قالمایور ؛ فلسفه یی ده متخالف مکتبلره سوروکله یور وبونلردن
 هرری کندی موقعی محافظه وکندی فیشلرینی انتخاب ایدرک بربرلیله صوکی کله یین
 برایونه کیریشیورلر . متافیزیک ، یا بر فکر اویونیدر ویا روحک جدی برمشغله سیدر .
 بر فکر اویونی دکلده بر علم ایسه حدسه واصل اولمق ایچون مفهوملرک فوقه چیمقالیدر .
 هیچ شبهه یوق که مفهوملر اوکا ائزمدر ؛ زیرا دیگر بوتون علملر بر معناد مفهوملرله
 چالیشمده و متافیزیک دخی بو علملردن وازکجه میه جک برحاله بولونمده در . فقط متافیزیکک
 متافیزیک قالدیلدی ، یا مفهومی آشمه سنه یاخود هیچ اولمازسه بر معناد قولالانه کلدیکمز

مفهوملردن خيلى فرقى يعنى يوموشاق ، متحرك ، سيال و حدسلك دائما آقيجي اولان
شكلايرينه اويغمه ميسال مفهوملر ياراتمق اوزره قاص قاطى واولمش بيشمش مفهوملردن
قورتولمىسنىه متوقفدر . بو مهم نقطهيه آشاغىده ينه عودت ايدى جگىز . بورايه قادار
صيورده مزك بزه بلا واسطه آنجق بر حدس ايچنده عرض ويا خياللرله بالواسطه تلقين
اولونه بيله جگنى ، فقط خاص معناسنك مفهومه برافيلمىسى ويا مفهومي برتصويرده حبس
ايديلمىسى صورتلريله بيلينيميه جگنى كوسترمش اولمق بزه كافى كورولسون .

صيورده يي برآن ايچون اولسون كثرث حالنده تصور ايدىلم : درحال علاوه ايتمك
لازم كله جك كه بوكثرثك حدلى هر هانكي بر كثرثك حدلى كي متفارق اولمايوب بر لرينه
كچمشلردى ؛ واقعا صيورده يي ، بردفعه ماضىيه قاريشدير دقدن صوكرا مخيله نك بر جهديله
بر برينه علاوه اولونان پارچهلرله تقسيم ووتون بونلرى حساب ايدى بيله جك صورتده تصلب
ايتدیره بيله جگىز شبه سزدر . يالكىز بو عمليه بالذات صيورده اوزرنده دكل ، صيورده نك
تصلب ايتمش بر حالده بولونان خاطره سنده ، يعنى صيورده حر كتنك كندى آرقه سنده
برافدينى غير متحرك ايز اوزرنده يابيله بيلير . شوخالده اعتراف ايدىلم كه بوراده بر كثرث
وارسه بوكثرث ديكر هيچ بر كثرته بكمزه مكمده در . او حالده صيورده و حدتى واز
دييه جگىز ؟ هيچ شبه يوق كه بر برلى ايچنده اوزانوب كيدى بر عناصر ديمومتك كثرته
اولدينى قادار وحدته ده مشاركتى وارد . يالكىز بو متحرك ، متحول ، رنگلى ،
ذى حيات وحدت آرتق وحدت محضه مفهومك قيد ايتدىكي مجرد ، غير متحرك وبوش
وحدته بكمزه من . او حالده بوندىن چيقاراجقمز نتيجه ، صيورده عيى زمانده هم وحدت
همده كثرته تعريف ايديلمىدري نتيجه سى مى اولاجق ؟ غريب كله جك اما نه يابيم ؛ بو
ايكى مفهومي ناصيل اويروب چويرسام ، نه بولده مزج ايتسم ، ذهني كيميائىك انچه
عمليله لرني اوزرلرينه تطبيق ايتسم صيورده حقنده صاحب اولديغ بسيط حدسه بكمزه در
شى آلد ايتمك قابل اولمايحقدر . فقط بونك يرينه حدسك بر جهديله صيورده يي كيدى
برلشسم درحال اونك ناصيل بر وحدت وكثرث ودهاده بر جوق شيلر اولدينى همان
كورمكه باشلايه جقم . مذكور مفهوملر ايسه صيورده حقنده بر جوق خارجي نقطه نظرلردن
باشقه برشى و برمه ديكندن بونلر ايتير آيرى ، ايتير برلكده بزي بالذات صيورده يي نفوذ
ايتدريمرلر .

بونكه برابر اوكا نفوذ ايديلور و بو نفوذ آنجق حدس ايله اولابيلور . اُناده كي

صبر و رهنمائی به بالذات انا واسطه سیله مطلق درونی بر بیلگیسی ایشته بومعاده ممکندر .
 لیکن متافیزیک بو خصوصده بریاندن حدس طلب ایدیور والد، ایده بیلورسه علمده
 دیگر یاندن اونسته تحلیلی احتیاجنده بولونیورده ایشته فلسفی مکتبلر آراسنده کی مناقشه لر
 وسیسته ملر بیننده کی مصادمه لر هب حدس ایله تحلیلی روللری آراسنده کی برائتاسدن ایلری
 کلیور .

دیگر بوتون علملر کی روحیاتکده اصولی فی الحقیقه تحلیلی در . بوعلم ، کندیسنه
 اولایسیط بر حدس ایچنده ویریلش اولان انائی احساسلر ، حسلر ، تصورلر واخل اولوق
 اوزه تحلیلی ایده رک هر برلرینی آری آری تدقیق وبوصورتله انانک یرینه پسیقولوزیک
 واقعه لر دن عبارت بر صبره عنصرلر اقامه ایدره . فقط بو عناصر : éléments ، اُجزا
 parties میدرلر ؟ ایشته بوتون مسئله بوراده در وبومسئله باشند صا وولدینی ایچوندرکه
 شخصیت بشریه دعواسی اکثریا غیر قابل حل تعبیرلره موضوع بحث اولیور .

قابل اعتراض دکلدرکه بر شخصه عائد اولان هر پسیقولوزیک حال بواعتبارله شخصیتک
 هیئت عمومیه سی عکس ایتدیرر . نه قادر بسیط اولورسه اولسون برحس یوقدرکه کندیسنی
 دویوب یاشایان کیمسه نک ماضی وحالی بالقوه احتوا ایتمه سین و اوندن آریله رق باشقه بر
 « حال » تشکیل ایده بیلسین . بویه برشی اولسه اولسه آنحق بر تجرید ویا تحلیلی ایله
 پایله بیلیر . مع مافیله بو طرزده بر تجرید و تحلیلی جهدی اولمق سزین روحیات علمنک انکشافه
 احتمال اولامایه جفی ده هیچ بر اعتراض کوتورمن . شیمیدی عجبا پسیقولوزیک بر حالی
 روحیاتجی ناصیل بر عملیه ایله شخصیتدن آیره رق آز جوق مستقل برعین ثابت entité
 کی احداث ایدیور ؟ شخصیتک ذاتی وخصوصی رنکی یعنی کیفیتی ، معلوم و عام تعبیرلره
 افاده ایدیه مدیکی ایچون بو جهت اهل ایدیور . صوکراده بو صورتله ذاتاً
 بسیطلشدیرلش شخصده علاقه بخش بر تدقیقه مساعد اولان شو ویا بو وجهک تجریدینه
 چالیشیلور . مثلاً بر شخصدرکی تمایلیک تدقیقی موضوع بحث ؟ روحیاتجی بو تمایلیک
 کندیسنه خاص و غیر قابل افاده اینجه جک فرقی یعنی بنم تمایلی سزک تمایلیکزدن آیران
 جهتی بر طرفه براقیر ؟ صوکراده شخصیت سزک هر هائی بر شیه دوغرو کیمده حرکتنه
 باغلانهرق بو وضعیتی تجرید ایدرکه اصل مستقل بر واقعه حالنده کوسرتیله جک اولان
 جهت ، بو تمایلیک شخصی اولان وجهی ، مشخص تمایلیک « شه ما » سی در . بو ، نه به
 بکزمه بیلیر میسکز ؟ طبق بر صنعتکارک پارسدن کچرکن « نوتردام » قولهرلندن برینک
 الهیات مجموعه سی ، صابی : ۶

قروكسني آلماسنه ... حاله كه قوله بنايه ، بناده طوپراغه و بونك اطرافيله بوتون پارسه و الخ لايفك برصورتده مربوطدر . بوراده آيبرمقندن باشلامق لازم كلنجه بالطبع هيئت عموميه دن مثلاً قوله كبي هر هانكي بر منظره قيد ايديله جكددر . قوله ايسه حقيقت حاله طاشلردن متشكلدر . واوكا شكلني ويره ن بوطاشلرك خصوصي بر تجمعيدر . فقط رسام طاشلرله علاقه دار اولمايوب ، ساده جه قوله نك كولكسني نوط ايدييور ، يعني قوله نك شاني و دروني تعصوي يرينه خارجي و طاشلاق برشي اقامه ايدييور . بر حاله كه چيزيلن رسم موضوع حقنده هر هانكي بر نقطه نظر ، هر هانكي بر ارانه طرزينك انتخابه تقابل ايدييور . ايسته بر شخصك هيئت عموميه سندن بسيقولولوك بر حالي آيران روحياتجي ده طبق بويه يايور . تجريد محصولي اولان بو بسيقولولوك حال ، بر قروكيدن ، يكيدين انشانك صني بر باشلانفجندن باشقه برشي دكددر . باشقه بر تعبيرله مجرد حال ، كلك بالخصوص علاقه دار اولونان هر هانكي عنصری و جهی زاويه سندن كورولسي و اوصورتله قيدينه اهتمام ايديله سيدر . بوماهينده بر حال ايسه شخصك بر جزئي اولمايوب آنجق بر عنصريدر و جزؤلره قسيمي صورتيله دكل ، تحليل واسطه سيله آله ايديلشددر .

شيمدي بواجبي ، پارسدن آلديني بوقيل بوتون قروكيلرك آلتنه خاطرله يازه جق رده « پارس » ديه يازه جقددر . وفي الحقيقه پارسى كورديكندن پارسك كلندن آلديني اوريز بنال حدسه استناداً قروكيلرني يرلي يرينه قويمني و بر برلرینه باعلامني بيله جكددر . فقط بونك عكسي بر عمليه بي يامه نك اصلا امكاني يوقدر . مثلاً پارسى هيچ كورمه مش بر كيمسه ، نه قادر صحيح قروكيلره صاحب اولورسه اولسون ، هينسي برلشديرمكي اخطار ايده ن « پارس » كله نك دلالتنه رغماً بو شهرك نه بر حدسنه يوكسله بيلير ، نه ده اونك بر انطباعي آلا بيلير . چونكه آله موجود اولانلر كلك جزؤلري دكل ، بلكه هيئت عموميه دن آليشمش نوطلردر . دها قوتلي باشقه بر مثال آلام و فرض ايده لم كه بكا هيچ بيلمه ديكم بر شعري تركيب ايده ن حرفلري كايشي كوزله قاريشيدروب و يرديلر . بونلر شعرك جزؤلري اولسه لردي ، چوجق قرك مكعب اويونلري كبي بنمده محتمل بر چوق ترينياتي تجربه ايده رك شعري چيقارتمقايي ممكندي . فقط بوراده بران ايچون بيله بوني دوشونم ؟ چونكه بكا و يريلن حرفلر شعرك اهرزاي مركبسي دكل ، بسبتون باشقه بر شي اولان افادات هزيم لري در . بوكا مقابل شعري اولجه بيلمش اولسه يدم حرفلرك هر بريني در حال يرلي يرينه قويا ر بوتون شعري صيره سيله و مشكلانسر ديزه ردم . فقط بونك عكسي اولان بر عمليه نك

یا بیله سته اصلا امکان یوقدر. حق بونی بجره بیله جکمه اینانسه م و حرفلری یان یانه دیزمکه صاواشسه م بیله ایشه اولا معقول بر معنا تصور ایتمکه باشلار یعنی اولا بر حدس ایدینیر و افاده یی یکیدن تشکیل ایده جک اولان رهنی عنصر لره آنجق بورادن وارمغه صاواشیرم . چونکه اولجه معلوم اولمایان بر شینک حقیقی اجزاسیله دکل ده عناصر رهنی سیله احیا ایدیله بیله جکمه اینانمق حوصله نك آلمایه جنی بر عیندر .

مع مافیه بر شخصی، پسیقولوژیک حاللریله یکیدن ترکیب واحیایه اوغراشان فیلسوفلرک یابدقلمری شی بوندن فرقلی بر عملیه دکلدر ؛ حق بونی ایستر او حاللرک بالذات کنیدیلری و ایستر بو حاللری بر برینه باغلایه حق بر ایلکه علاوه سیله یاپسیینلر ، مسئله یینه عینیدر . کرک آنپر یست و کرک راسیونالیستلر ایشه بو غفلتلرندن بی خبردولر . بونلرک هپسی قیودات

جزئی : les natations Partielles بی اهازای شایم : les parties réelles مقامنده آلیور و بصورتله تحلیل نقطه نظری حدس نقطه نظریه ، یعنی علمی متافیزیکه قاریشد بر ییورلر . برخیلر حقلی اولارق دیمورلرمی که پسیقولوژیک تحلیل ، پسیقولوژیک حالاتدن باشقه

هیچ برشی کشف ایده من ؟ تحلیلک افعوله و تعریفی ده بوندن باشقه برشی دکلدر . روحیاتینک شخصی تحلیل ایتک یعنی اونک حاللری قید ایتمکدن باشقه یاپه جنی برشی یوقدر . شخصی کله نجه قروکیلرینک اوزرینه « پارس » کله سنی یازان سیاح صنعتکار کی بوده قید ایتدیکی حاللرک اوزرینه « انا » عنوانی قویه حق و بونلره « انا نك حالاتی » دییه جکدر . فی الحقیقه روحیاتینک یرلشدیکی ویرلشمکه مجبور اولدینی نقطه دن باقیلیرسه « انا » ، بر اشارة دن باشقه برشی دکلدر ؛ اولیه بر اشارت که بونلکه آنجق پسیقولوژینک کنیدی موضوعه

تدارک ایتدیکی ابتدائی بر حدس (که بوده چوق مهمندر) خاطر لانیور و بوراده کی « انا » هر هانکی بر کله دن باشقه برشی اولماز . ایشه اصل بویوک خطاء بو وضعیتده قالدیندی حالده کله نك آرقه سسندنه برشی بولونه بیله جکمه اینانمقده در . روحیاتده یالکز روحیاتچی

قالمغه راضی اولمایوب عینی زمانده فیلسوف اولمق ایسته یین (تن) و (استوارت میل) لر کی . فیلسوفلرک خطالری ده بوراده در . بو ذوات تطبیق ایتدکاری اصول اعتباریله روحیاتچی ، اختیار ایتدکاری موضوع اعتباریله متافیزیکچی قالدقلمدن بر حدسه محتاج دیلر و بونی غریب بر رابطه مزلفله حدسک منکری اولان تحیلدن بکله دیلر . انا یی آرادیلر و بونی پسیقولوژیک حاللارده بولمق ادعاسینه دوشونجه بونلری ، آنجق انا نك خارجه جیقلمق و شخص حقه ده سساده جه بر صیره قروکی ، نوط و آاز چوق شه ماتیک

وسه نبوليك تصور لږ صورتنده آله ايتديلر . بوش بره حالاتي حالانه علاوه وبونلرك تماسلريني
تكميل ايتمكه وآراده كي صيروهه فاصله لږيني كشف ايتمكه اوغراشديلر؛ انا ايسه اونلردن
متصل قاچدى وبونك عاقيبى بك طبيعى اولارق اناني بوش بر خيالت كې كورمكه
منجر اولدى . «ايليان» نك معناسى بوش يره كنديسنى تركيب ايدن حرفلرك آرالزنده
آرايوبده بولاماىجه بوخسرانى وسيله اتحاد ايدمكه ايليدانك معناسى انكار ايتمكه نه ايسه ،
بو فيلسوفلرك يابدقلى ده عيى شيدر .

ديمك اولويور كه فلسفي آنيبريزم ، حدس نقطه نظريه تحليل نقطه نظري آراسنده كي
برالنباسدن دوغمشدر . بوسيدن آنيبريزم ، بالتقيجه اوريشنالى ترجمهده آرامقه وبوراده
طبيعتيه بولونمايه جنى ايچون بووسيله دن بالاستفاده اوريشنالى بالضروره انكار ايتمكه منجر
اولدى . فقط پايلان شته ياقيندن باقيليرسه بو انكارك معناسى ساده جه شورد : تحليل ،
حدس دكلدر . وبوده بالفلس بداهتدر . علم ، موضوعنك كنديسنه ويرديكى ذاتاً مبهم
اولان ايلك حدسدن درحال تحليله كچور ؛ تحليل ده موضوع حقتده كي نقطه نظرلرى
نامتناهى برصورتده تكميل ايدىيور وصوكر بونلردن بر تركيب يامقله اونى يكي باشدن
احيا و تركيب ايدمكه جكنه چابوق اينسانيور . ديوارده كي كولك لره اله كچه ييله جك بر
اويونچاق يامق ايسه ين برچوجكك باشنه كلنر كي بزم المزدن ده موضوعك متبادلاً قاچديغنى
كورورسه ك حيرتمى ايدمكه كز ؟

أومت ، راسيوناليزم ده عيى وهمك قوربانيدر . بوده آنيبريزمك ارتكاب ايتديكى
مهميتدن حركت ايدمكه وشخصيته واصل اولمقه اونك قادار اقتدارسز قالير . چونكه بوده
آنيبريزم كې بسيقولوزيك حاللارى انا دن مفرز حقيقي جزؤلر كې كورور وينه طبق اونك
كې بونلرى برلشديرمكه اناني يكي دن يابه جغه اينانير . نهايت آنيبريزم كې شخصك وحدتى
قاورامق ايچون ياديني كونا كون غيرتله رغماً اونك بر خيالت كې اله آوجه اصلاً
صيفمادىغنى كورور . يالكز شوفرقله كه جدال دن بيتاب اولان آنيبريزم ، «أنا» نك موجود
اولمادىغنى وانجق بسيقولوزيك حالانك بولونديغنى اعلان ايله ايشك ايچدن صيريلشكن
راسيوناليزم ، شخصيتك وحدتى تصديقده بالعكس مصر قالمشدر . بو وحدتى بالذات
بسيقولوزيك حاللار زمينده آرامقه فضله اولارق تحليلده بولديغى بوتون كيفيت ومعنارى
آنجق بسيقولوزيك حاللار حسابنه كچيرمكه مجبور اولديغندن نتيجه ده شخصك وحدتى
نامنه آله آوجوده ساده جه منفي وهردلو معنادن عارى بر شيدن باشقه سمنك قالمايه جنى

آشکار دارد. پسیقولوژیک حاللر بالضروره یالکز کندیلری ایچون آلیوب محافظه ایدلدکلرندن بو تحلیلده جزئی بر مادیت چهره سی کوسستره ن هرشی ، « آنانک وحدتی » ماده سز بر صورت ، غیر معین وبوش مطلقلردن باشقه برشی اولامایه جقدر . آپیریزمک شخصه ، آنایه معادل طوتدینی پسیقولوژیک حالله ، باشقه بر تعبیرله بونلرک قولکسیونندن استخراج ایتدیکنی ظن ایتدیکی بوکولکه آنالره راسیونالیزم ، شخصیتی یکیدن انشا ایچون دها غیر شائی، دها دوعه وسی ایچنده کولکلر قاینشان وکولکلر یوواسی دینه بیله جک اولان بوش برشی علاوه ایدر . حقیقت حالده صورتنسز اولان بو « صورت forme » ، جانی ، فعال ، مشخص بر شخصیتی ناصیل توصیف و (احمد) ی (محمد) دن ناصیل تمییز ایده بیلیر ؟ شخصیتدن بویله بر « صورت » تجرید ایدن فیلسوفلرک بالاخره بونی شخصیتی تعیینه غیر مقتدر بولملری وپادقلمری بوش آنالری یاواش یاواش نه (احمد) ، نده (محمد) . عائد اولمایان وایسته نیرسه ایچنه بوتون بشریت ، آله وعمومیتله موجودیتی آلیبیه جک دیبسن برقاب یامغه وارملری شاشیله جق برشیمیدر ؟ بن بوراده آپیریزم ایله راسیونالیزم آراسنده یالکز شوفرکی کورویورم : برنجیلر آنانک وحدتی پسیقولوژیک حاللرک برنوع صیوره فاصله لرنده آرایه رق بوقاصله لرلی دایما دیگر حالات ایله دولدورمغه کیده ونهایت کیتدجه دارالان برفاصله ده صیتیشان آما ، تحلیل ایلری به کورتولدیکی نسبتده ، « صفر » . دوعه و کیده . آنایی پسیقولوژیک حالانک بر مقری یابان راسیونالیزم ایسه بزی ، شو ویا بوراسنده توقفه هیچ بر سبب اولمایان وکمدیسنه تعیین ایدلدیکی ادعا اولونان حدود متوالیه دن هر بری آشان ودائمی بر توسعه آرتق « صفر » . دکل ، فقط « نامتناهی » ده قایب اولمغه کیده ن بوش بر بعد قارشیننده بر اقیب .

(تن) ک سوزده « آپیریزم » ی ایله بعض آلمان پانتئیستلرینک اک یوکسک سبه کولاسیونلری آراسنده کی فرق ، ظن اولوندیغندن جوق دها آزدرد . هرایکی سبو کولاسیونده اصول ، ترجمه نک عناصر : éléments بنی اوریشناک اجزا : parties سی ایشلر کی محاکمه ایتک اولدیغندن عینی شی در . حال بوکه حقیقی آپیریزم ممکن اولدینی قادار اوریشناکله یاقلاشمغی وبونده کی حیاتی تعمیق و برنوع ذهنی اصفا : auscultation intellectuelle ایله روحک ضربانی حس ایتکی استهداف ایدر ؛ ایشته بوحشیج آپیریزمدرکه حقیقی متافیزیکدر . واقعا بو طرزده چالیشمق صولک درجه ده مشکلدرد . چونکه مفکره نک کونده لک ایشلر ایچون قوللاندینی حاضر تاقی ومفهوملر بوراده هیچ برایشه یارامازلر . آنا ، کثرت

ياخود وحدت ويا بونلرك تركيددر ديمكدن دها قولاي نه اولاييلير ؟ بوراده قولانيلان وحدت وكثرت، موضوعه كوره بچلمش وبواحتياجه كوره يايلمش مفهوملر اولمايوب اورته مالندن آينمش و(احمد) اولديني قادار (محمد) مده اويان ؟ چونكه هيچ بريسك شكله كوره يايلماش بولونان حاضر اليسهلر كييدرلر. آنييرزم ديمكه لايق يعني آتجق اولچو ايله چالیشان بر آنييرزم ، تدقيق ايتديكي هريكي موضوعه مطلقاً تماماً يكي بر جهد صرف ايتكي بر وظيفه بيلديكي كي بونلره ساده جه كندى موضوعلر نه اوييهيله جك مفهوملر بچمكه صاواشير وكوره نلر ايشته يكي برمفهوم دها ديه بيليرلر. مثلاً وحدت وكثرت كي خرج عام ومال منقوم اولمش فكرلرى مزج ايدرك چايشماز. بالعكس بزي امثالسر وبسيط بر تصوره كوتورور وبو تصور بر كره تشكىل ايتكدن صوكر ا بونك اورته مالى اولان وحدت ، كثرت والچ قادرولى ايچنده نادن ير بوله بيله جكي يك ابي آكلاشيلير. الحاصل بو صورتله تعريف ايدلمش فلسفه، آرتق مفهوملر آراسنده انتخاب وبر مكته انتسابه متوقف اولمايوب بالعكس بوتون فلسفي مكتهلرك فوقه يوكسه جك وعيني زمانده كنديسندن مخلف مفهوملره يكيدين واريلاجق امثالسر بر حدس آرامغه منتهى اولاجقدر .

شخصيتك بروحدته مالك اولديني محققدر ؟ فقط بومقوله بر تصديق ، شخصى دن عبارت اولان بو وحدتك فوق العاده ماهيتى حقنده بكا هيچ برشى اوكره تمز . انا مزده كثرت اولسون ؟ بونى ده قبول ايدويورم ؟ فقط بوراده اويله بر كثرت واركه بونك ديكر هيچ بر كثرته بكنزه مديكى ايجه بيلمك لازمدر . فلسفه ايچون اصل مهم اولان شى ، هانكي كثرت ، هانكي وحدت وشخصك متكثر وحدتك مجرد وحدت وكثرته نسبتله هانكي فائق شأيت اولدينى بيلمكدر . بوده آتجق اناك بسيط بر حدسك انا واسطه سيله يكيدين ياقلاشميله تأمين ايديلير . بوندن صوكره حدس ، بولوندينى شاهقه دن تكرار اينك ايچون ، انتخاب ايدجكي ميله كوره شخصك جاني ومتحرك حياتى تعريف صددنده تجربه ايدلمش وحدت ، ياخود كثرت وبخود مفهوملردن هر هانكي برينه منتهى اولاجقدر . فقط بو مفهوملره ياييله جق هر هانكي بر خيلطه نك صيرورت بولان شخصه بكنزه يه جك هيچ برشى ويرميه جكى ادعا ايدويورم .

بكا مجسم بر مخروطى اولا كوستر كز ؛ بونك تپه سنه دوغرو ناصيل دارلارق رياضى بر نقطه ده قايب اولمغه كيتديكى وصوكراده قاعده سنه دوغرو نامتناهى بردائره حالنده

ناصیل آچیلدیفنی بلامشكلات كوررم . فقط بونی كورمەدن نه نقطه ، نه دائره ، نه ده بونلرك برسطحده بربرلری اوزرینه علاوه لری بكا مخروط حقهنده اك اوقاف، بر فكر بيله ویره مزله . بسیقولوژيك حیاتك وحدت وكثرتی ده طبقی بونك كبی یاییلور . مثلاً آنپیریزم وراسیونالیزم مسلكلری شخصیتی « صفر » و « نامتناهی » یه بوصورتله منجر قیلیورلر .

باشقه بریرده کوستربله جکی اوزره مفهوملر برمعتاد مضاعف کیده وایکی ضدی کوسترلر . کندیدی حقهنده عینی زمانده متضادایکی کوروش آینه ماجق وبالنتیجه متضاد ایکی مفهومه مستعد اولمایه جق مشخص برشأیت هان یوق کیدر . نیته کم برمدعا ایلر بر نقیص مدعای منطقاً تألیفه اوغراشمه نك بهوده لکی ، مفهوم ویا نقطه نظرلره برشیتك یاییله سنه اصلاً امکان اولمامه سی کی بسیط برسیدن ایلری کلیر . فقط حدس ایلر قاورانمش برسیدن بر جوق احوالده متضاد مفهوملره بلامشكلات کچیله بیلیدی کی مدعا ونقیض مدعایك شأیتدن ناصیل چیقیدیفنی ده کورولور وعینی زمانده بونلرك ناصیل چایشوب ناصیل باریشدقلری دخی قاورانیر .

یالکیز بونك ایچون ذكانك معتاد چالیشیشی بر عكس ایدلك لازمدر . معلومدر كه دوشومك ، برمعتاد شیردن مفهوملره دكل ، مفهوملردن شیرله کیتمكه واقعدر . بيلمه نك زبانزد معناسيله بر شأیتی بيلمك اولدن حاضر وموجود مفهوملری بو شأیتك عملی بر معادلی بولونجه یه قادار بربرلیله مزج وتریب ایتمكدر . ذاتاً ذكانك نورمال چالیشیشی حسی برچالیشمه اولمقدن اوزاقدردر . عمومیتله دینه بیلیر كه بز بيلمکی ، بيلمك ایچون دكل ، بر حصه ، بر پای چیقارمق ، بر استفاده تأمین وبرعلاقه بی تطمین ایتك ایچون ایستیورز . بیلینه جك شیتك نه درجه یه قادار بو ویا شو اولدیفنی ، هانکی معلوم جنسه داخل ونه نوع فعل وطور وحرکت تلقین ایتمه سی لازم كله جکفی آریورز . ممکن اولان بو مختلف افعال و اوضاع تفكر مزك ابدیاً معین مفرومی استقامتله : directions conceptuelles یی تشکیل ایتدکارندن بونلری تعقیب ایتمكدن باشقه یاییله جق برشی قالیور . مفهوملرك شیرله تطبیقلری ده بالطبع بویه اولیور . بر مفرومی بر موضوعه تطبیقه چالیشمق ، اوشیتك بزه نه یه یارایه جغنی ونه یایه جکفی صورمقدر . بر موضوع اوزرینه بر مفهومك نه تیکتی یایشدیرمق اوموضوعك بزه تلقین ایتمه سی ایجاب ایدن فعل وطورك جنسنی بحمل تعبیرلره دوشه مکدر . احوالده معنای موضوعیله هر بیلیکی شو ویا بو استقامته مترجه ،

یاخود شو ویا بو نقطه نظر دن آیینم شدرد . فی الواقع علاقه منزده اکثر یا چوق معضلدرد . بوسیدن عینی بر موضوع حقنده کی بیلکیمز دایما بربری آرقه سندن استقامتله توجه ایتمکده و مختلف نقطه نظرله بول آچقده درد . نیته کیم بر موضوعی « کنیش » و « احاطه لی » صورتده بیللمک تعبیر لرینک زبازرد معناری آنجق بو طرزده بر بیلکی قصد ایتمیکندن موضوع ، بوراده امثالسنز بر مفهومه ارجاع ایدیلنه یوب کنندیسيله « مشار کتدار » عد ایدیلن بر چوق مفهومله افاده اولونور . فقط بر موضوع بوتون بر مفهومله بر دن ناصیل مشار کتدار اولایلیر . بومشله پراتیکی علاقه دار ایتمیکی ایچون موضوع بحث بیله اولماز . احوالده کونده لک حیاتده مفهوملرک بو طرزده استعمالری دخی طبیعی و مشروع صایله جق و بوندن فلسفی هیچ بر مشکل دوغمايه جقدرد . چونکه فلسفه یامقندن صسات بر مقسوله ایله فراغت ایدلمشدر . فقط بو طرز استعمالی فلسفه یه نقل ایتمک ، بوراده ده مفهوملردن شینه کیتمک اولور . معین علاقه لردن ملهم اولان و موضوعی خارجدن کورمکله اکتفا ایدن بر بیلکی طرزینی موضوعک بالقات کنندینه نفوذ ایتمک و بو صورتله حسب بر بیلکی یه ایریشمک ایستین فلسفه ده قوللاقمق ، فلسفه یی مکتبلر آراستنه ابدی بزراع و اختلافه محکوم ایتمک ، تناقضی موضوع و اصولک قلیکاهنه برلشدیرمکدر . یا فلسفه یه امکان یوقدر و یا اشیا حقنده کی بوتون بیلکیمز بونلردن استفاده لیمکه متوجه پراتیک بر بیلکیدرد . یاخود فلسفه یامق ، حدسک بر جهدیه موضوعک ایچنه برلشمکه متوقفدر .

یالکیز بو حدسک ماهیتی آکلامق و تحلیلک زده باشلا یوب حدسک زده بیتدیکفی یقیناً تعین ایتمک ایچون صیورده : *la durée* آقیشی حقنده یوقاریده سویله دیکمز شیرله عودت ایتمک لازمدر .

دقت ایدیلیرسه کورولورکه تحلیل ، یعنی علمک منتهی اولدینی مفهوم یاخود شه مالر ، غیر متحرک اولارق ملاحظه ایدیلش شیرک مدلوللری اولق اعتباریه بالطبع غیر متحرک بروصف اساسی یه مالکدرلر . مثلاً تحلیل واسطه سيله بوتون درونی حیاتدن بسیط بر احساس تسمیه ایدیلن بسیقولوژیک بر عین ثابت : *entité* یاخود بوجود مجرد تجرید ایدره ک تدقیق ایتمیکم مدتجه بونک دایما اویله قالدیغی فرض ایدیورم . شاید بر تحول بولورسم درونی حیاتده تک بر احساس دکل ، متوالی بر چوق احساسلر اولدینی حکمنه واصل اولویور وایلمک احساسده فرض ایتمیکم لای تبدیلی متوالی بوتون احساسلره تشمیل ایدیورم . پوکیدیشه تحلیل نه قدار ایلر یلتمسم و نه طرزده یاپسهم آله ایده جکم عنصر لری هپ لای تبدل

صایه جفم . علمك كندی انكشافی ایچون محتاج اولدینی اك محكم طرز حرکتی ده ایشته بوراده ، هم ده یالکیز بوراده بولا جفم .

بونکله برابر حافظه سز بر شعور و حال حسنه کچمش خاطره لك انضمامی اولمق سزین دوام ایده بیله جك بر روح حالی موجود اولمادیغندن نه قادر بسیط اولورسه اولسون هر آن ده کیشمه یین بر روح حالی état d'âme یوقدر . ایشته صیروره دخی بوکا متوقف اولوب ماضی یی حالده امتداد ایتدیره ن بر حافظه نك متمادی حیاسیدر ؛ او حالده که بوراده حال : le present ، ماضینك لایه قطع بویون خیال image نی واضحا احتوائتیدی کی اختیار لاندینی نسبتده آغیرلاشان بر حوله نك ، کیفیاً واقع اولان متمادی تحوّل لریله ، آرقده طاشیندینی ده حس اولونور . ماضینك حالده کی بو پس زنده لکی اولمادجه صیروره یوق ، ساده جه لحظویلاک : l'instantanéité واردر .

بوراده صیروره یی تحلیل ایتدیکی کوره رك مادام که تحلیل یاییورسکیز ، او حالده یایدیغکیز شی بسیقولوژیک حال یرینه صیروره یی حمایه ایتمکدن باشقه برشی دکدر ، دییه مؤاخذه ایدیلیرسه جواباً دییه جکم که بنم تحلیل مکن منتهی اولدینی بوبسیط بسیقولوژیک حاللردن هر بری فضله اولارق برده زمان اشغال ایدر لر . « اوت ، بنم تحلیل دخی درونی حیاتی برطاقم حالده آیری یورسه ده بونلری علمی تحلیل کی بر لر لیه دکل ، هر بری کندی کندیسيله متجانس بولویور و بونرك متجانسیتلری بر دقیقه ویا ثانیه کی محدود بر زمانه منحصر قالمق اعتبار لیه بنم بولدیغ بسیط بسیقولوژیک حالر ، صیرورت بولمقدن خالی دکدر لر . »

الحاصل بنم بوتحلیلم قارشیسنده متجانس فرض ایدیلش اولان بسیقولوژیک حالك حقیقت حالده ده کیشمن و صیرورت بولان بر حال اولدینی کورولویورمی ؟ تجریدك یایدینی دکل ده بذاته آلینان بسیقولوژیک حال ، دائمی بر صیرورتدر . حال بوکه علم کوزی بو صیرورتدن ده کیشمز فرض ایدیلش هر هانکی وسطی بر کیفیت آیری یور و بوسورتله مستقر stable و شه مانیک بر حال تشکیل ایدیور ، صوکراده بو حال دن فلان ویا فلانك صیرورت یرینه علی الاطلاق بر صیرورت تجرید ایدر ك بو حالك دولدوردینی شیئه زمان le temps تسمیه ایدیور . یاقیندن باقارسه کوره جکم که بوجرد زمانك هم کندیس ، هم ده درونه وضع ایدیلش بسیقولوژیک حال ، غیر متحرکدر ؛ وبویه بر زمان آقاماز ؛ چونکه آقیش ، متمادی بر کیفیت تحویل لیه اولور ؛ بسیقولوژیک حالك دولدوردینی زمانده کیفیت اولمایجه

بويله بر زمان غير متحرك بر محیط ديمکدر. دقت ايدهرسم کوره جگم که بومتجانس زمان فرضيه سی ساده جه مختلف مشخص صبروره لر آراسنده کی مقایسه یی قولایلاشدیرمق ، بر صبروره نک آقیشنی دیکرینه قیاساً اولچمک ایچوندر. الحاصل بو حال بسبب یسبقه ولوژیک بر حاک تصورینه یامانان دقیقه و ثانیه کی معین بر عددله صبرورت بولان برأادن قویا یلوب تجرید ایدیلور و بو آنانی بسبب برطاقم ارقام شه ماسندن قورتاروب ده حرکت اصلیه وطبیعه سنده کورمک ایسته سم اولجه بولندیی مشخص شکل و صورته وضع ایتمک لازم کلدیکی کورور کی اولویورم . مع مافیه تحلیلده یایله حق برایشم اولمادیی ایچون بوتون بونلری کچورم .

بونلرک هبسی شو دیمکدر که تحلیل ، دائماً غیر متحرك اوزرنده ؛ حدس ایسه حرکت یعنی صبروره اوزرنده چالیشیر . حدسی تحلیلدن آیران نقطه ده ایشته بوراده در . شائی ، یاشانمش ، مشخص شیلر آنجق تحویلته ؛ عنصر ایسه غیر متحولده کشف اولونور . آقان و تحول ایدن شایندن تحلیلک الده ایتدیکی شی دخی الکن بر شه ماء بسبب بر سه نبول ، ساده جه بر نظر در . ایشته اصل خطا تحلیلک الده ایتدیکی بوشه مالرله ره ٹلک یکیدن ترکیب اولونه ییله جگنه اینسانمقدر . تکرر ایتمه سندن قورقایهرق دیه جگم حدسدن تحلیله کچیه ییلیر ده تحلیلدن حدسه اصلا کچله مز .

تحلیلک تأمین ایتدیکی عنصر لرله ایسته ندیکی قادار تنوع لر ، آرزو ابدلیدی قادار کیفیت و یا خود تعدلر یایله ییلیر . فقط بونلردن هیچ بریسی ره ٹلک کندیسی اولماز . چونکه الده ایتدیکی شیلر ، عناصر اولوب اجزا دکدرلر ؛ عناصر ایسه اجزادن بسبتون باشقه برشیدر .

مثلاً متجانسیته الک یقین اولان مکانده کی بر حرکتی ملاحظه ایدلم ؛ بو حرکتک بوتون امتدادنجه ممکن و محتمل وقفه لر تصور ایده ییلیرم که بن بونلره متحرک کچدیکی نقطه لر تسمیه ایدیورم . لکن بو نقطه و یا وضع لرله — ایسترسه نامتناهی اولسونلر — حرکت یایمیه قادر دکل . چونکه بونلر حرکتک کندیسی دکل ، حرکت حقیقه آلینمش نقطه نظر لر یعنی مفروض وقفه لر در . متحرك ایسه حقیقت حالده نقطه لر دن هیچ برنده اولما یوب اولسه اولسه بونلردن کچوردینه ییلیر . فقط بر حرکت اولان کچیشک ، حرکت سزلک اولان وقفه ایله هیچ بر مشارکت نقطه سی یوقدر . بر حرکت هیچ بر زمان حرکت سزلک برینه قائم اولماز ؛ زیرا بو تقدیرده برشیک هم حرکت ، هم ده دوراق اولماسی ایجاب

ایده رکه بوء تناقضدن باشقه برشی دکدر . نقطه لر یاخود عناصره نه أجزا کی حرکتک اصلاً دورمایان اینجه نه ده متحرک کچدیکی یرلرکی حرکتک آلتنمه دره اونلر ساده جه، فرضاً متحرک دوردینی تقدیرده حرکتک آلتنده اشغال ایده بیله چکی موقعلرک بزم طرفزدن تصور ایدیلرلرندن عبارتدر . بنسأ علیه وقفه لر یعنی نقطه لر ، دوعروسی سویله نیرسه ، حقیق وضعلر دکل ، بلکه ذهنک مفروضاتی ، کوروشلری یاخود نقطه نظرلریدر . شیمدی بونقطه نظرلرله برشینک انشاسی ناصل ممکن اوله بیلدر .

مع مافیه کرک حرکت و کرک زمان اوزرنده نه وقت دوشونسه کدائماً بویه یا پیغه صاواشیرزه . « تحلیل » ی « حدس » معادل صایمقدن کندیگری منع ایده مدیکمز ایچوندکره بر حرکتک امتدادنده ، ذهنمزه دربندن درینه کوک صالمش برزعم ایله ، اولاً برطاقم محتمل و ممکن وقفه لر یاخود نقطه لر تفریق ایتمهکله باشلايور ، صوکراده بونلری طوعاً و کرهاً حرکتک أجزاسی یا ییورز . حرکتی بونقطه لرله یکیدن ترکیب ایده بیلیمک اقتدارسزلنی اوزرینه اونده موجود اولان حرکتی ده ایاقیندن قاورامق اعتقادیه آرایه دیگر نقطه لر وضع ایدیورز . بوکارغماً حرکتک بزدن قاجدیغنی یعنی قاورانامدیغنی کورونجه محدود و ثلچولو مقدارده نقطه لریرینه نامتناهی برصورتده آرتان نقطه لر اقامه ایدیور و بصورتله نقطه لرلی نقطه لرله نامتناهی برصورتده ضم و علاوه ایدن بر تفکرله بیهوده بره حقیقی و تجزی قبول ایتز حرکتی تصنیعه چابالیورز . و نهایت دییورز که حرکت نقطه لر دن ترکیب ایده ره فقط عینی زمانده بروضعدن دیگرینه مظلم و اسرار انکیز برکچید واردر . حال بوکه بوظلمت تماماً حرکتسزلیمک حرکتکدن ده اواضح فرض ایدیلر سندن ایلری کلدیکی کی اسرار انکیزلک دخی وقفه لر دن حرکتک ترکیب طریقیله کیتیمک کی برامکانسزلق ادعاسندن تولد ایدیور . حقیقته ایسه حرکتکدن بطاآت و حرکتسزلیکه حرکتک ساده جه آزالمه سیله کچیمک پک قولایدز . بونک ایچون اک بسیط واک واضح اولانی حرکتکده کورمکه آلیشمق لازمدر ؛ زبرا حرکتسزلیک دینن شی بلکه ده یالکیز ذهناً دوشونولوب طبعنده اصلاً واقع اولمادیغندن حرکتک صوک درجه ده کی بریطاآتندن باشقه برشی دکدر . ذهنک بواعتیادینی برتمیل ایله افاده ایده یم : برشعرك معناسی کندیسی ترکیب ایدن حرفلرک شکلنده در زعمیه بونلری ممکن اولدیغنی قادر جوق ملاحظه ایتک سایه سنده سزدن دائماً چان بومعنائی یا قالا یه جغنگیزی ظن ایتدیگنگیزی فرض ایده لم؛ فقط معنائک اجزاسنی حرفلرده آرامه نک هیچ برشیه یارامادیغنی کورونجه ده آرانان بواسرار انکیز معنابارچه لرینک حرفلر آراسنده اولدیغنی فرض ایده رسکیز . حال بوکه

حر فله، بردها تکرار ایدیم، شعرده کی معنائک اجزالری دکل، ساده جه رمزی عنصر لریدر: متحرک بر شینک وضع لریده، ینه تکرار ایدیم، حرکتک اجزاسی اولمایوب حرکتی مماس اولدینی ظن اولونان مکانک نقطه لریدر. ساده جه متصور واصل اولدراک ایدلمش اولمایان بو غیر متحرک و بوش مکان، نام بر سه نبول قیمتی حائزدر. آرتق بویه سه نبوللری اویروب چویرمکه شانلی ناصیل اعمال ایده بیلیرسکیز بیلیمورم.

فقط سه نبولک بوراده تفکر منک الکاسکی اعتیادلرینه جواب ویردیکی محققدر. ایشته بو اعتیادلرک سوقیله درک بزدانما غیر حرکتی ایچنه یرله شوب بوراده پراتیکه خادم براسقناد نقطه سی بولیور و صوکر بونکله حرکتی یکیدن انشایستدیکمزی ادا ایدیورزکه حقیقت حالده جولیا بر تقلید و حقیقی حرکتک ترسی آله ایدلمش اولیور. شوقادار وارکه بوتقلید بزه حیاته حدسک کشف ایده جکی حقیقتدن چوق ده فضله یارایور. و بونک ایچوندرکه ذهنمز نافع اولان فکری ده اواضح بر شکله ملاحظه ایتمکده اکثریا مقاومت اولونه ماز بر تمایله صاحب بولونیور؛ ینه بونک ایچوندرکه غیر حرکتی، حرکتدن ده اواضح کلیور وینه عینی سبیدن سکونک حرکتدن مقدم بولوندیغه قناعت ضرورتی حاصل اولویور.

حرکت مسئله سنک یک اسکی زمانلردنبری فلسفه نیک باشلیجه مشکللرینی احداث ایتیه سی ده ذهنک بو اعتیادلری یوزندندر. دقت ایدیلر سه اشبو مشکلات هب مکاندن حرکتی، حرکتسز لکدن حرکتی ترکیب [۱] طریقله کیدلمک ایسته نمن سندن نشأت ایتشدرد. حال بوکه مقدم اولان شی، حرکتسزک دکل، حرکتدر و وضعلرک یعنی نقطه لرک برندن دیکرینه چکیش آراسنده کلک جزؤلره اولان مناسبتی موحود اولمایوب غیر قابل تجزی اولان شأنیته حقنده امکان درجه سنده مختلف نقطه نظرلر واردرد.

دها بر چوق مسئله لر هب عینی زعمدن دوغمشلردر، اوتهدنبری بر متحرک حرکتی یرینه ناصیل هب غیر متحرک نقطه لر اقامه ایدلمشسه بر شینک واقع اولان کینی تحویلی یرینه ده مختلف کیفیتلی مفهوملر اقامه ایدلمشدر. بو مختلف ده کیشیمز مفهوملر ایسه غیر مستقر اولان شأنیته حقنده مستقر رؤیتلردن عبارتدر. « تفکر ایتک » کلمه سنک مستعمل مناسیله بر شینی تفکر ایتک دخی اوشینک حرکتدن بر ویا بر قاچ غیر حرکتی کوروش آلتی، دها دوغروسو اوشینک وقت و وقت نهمده اولدینی واوندن ناصیل ونه صورتله مستفید اوله نه بیه جکی کندی کندیمزه صور مقدر. شأنیته ساده جه پراتیک

یعنی عملی بر بیلکیسی موضوع بحث اولدجه بوندن دها آبی بر تفکر طرزینک موجود اولامایه جفی آشکاردر . بیلکی ، عملیلکه متوجه اولدجه شأینک بزه و بزم شأینه قارشی باشلیجه واک ای وضعیت ممکنه لرمنی تعداد ایتکدن دها ای بر شی یا بیلاماز . ذاتاً حاضر مفهوم لک یعنی کندیلرله صیوروتک کدزکاهنی شاخصله دیکمز بواستاسیونلرک علی العاده روللری ده بوراده در . فقط بونلرله اشیانک محرم ماهیتلرینه قادر نفوذ ایتکی ایسته مک ، شأیت حقدنه غیرمتحرک نقطه نظرلر ویرمک مقصدیله پایلشمش اولان بر اصولی شأینک حرکیتنه تطبیق ایتک دیمکدرکه بو ، عینی زمانده متافیزیکک - که امکانی وارسه - آنجق زحمتی وحق اضطرابلی بر جهد ایله واقع اوله بیله جکفی اونو تمقدر ؛ دوشونملی که متافیزیک ، تفکرک طبیعی سطح مائلنک عکسنه طیرمانق و تدقیق اولونان موضوعک ذهنی بر انبساط ایله ایچنه حلول ایتک ، دها دوعوسوی مفهوم لردن شأینلره دکل ، شأینلردن مفهوم لره کیتمکه اولور . او حالده آووجلرینی قابیلوریمکه دومانی یا قالمق ایستین چوجملرکی فیلسوفلرده یا قالدقلرینی ظن ایتدکری شیلرک کندیلرندن قاجدیعی کورورلرسه بوکانه دن شاشمه لی ؟ فلسفی مکتبلر آره سنده کی نزاع دخی ایشته بواعتیاد یوزندن توکانه مکده و فلسفی مکتبلردن هریری دیکرلرینی شأینی قاجیرمقله مؤاخذه ایتمکده درلر .

فقط متافیزیک اکر حدس اصولیه چالیشمق مجبوریتنده ایسه و حدسک موضوعی ده صیورورنک حرکتی ایسه و صیورورده اساساً بسیقولوژیک بر حادثه ایسه فیلسوفی منحصرأ کندی نفسی تماشا یه حبس ایدیلش اولمازی ؟ « یورغون بر چوبانک قیدسزجه صویک آقینتیسنه باقله اکتفا ایتمه سی » کی فلسفه ده بوتقدیرده یالکیز نفسک آقیشنه باققدن عبارت قالمازی ؟ مباحثه یی بووادیده باقمق ، تا باشند اشارت ایتدیکمز بر خطایه عودت ایتک یعنی صیورورنک خصوصی ماهیتی و عینی زمانده متافیزیک حدسک اساساً افعال و قوتلی سجه سنی طانیامقدر . بو ، عینی زمانده متافیزیک حدسک ایده الیزمی اولدینی قادر ره الیزمی ده آشه بیله جکفی ، بزه اوستون ، بزدن دون و بر معناده دونمزده اولان شیلرک موجودیتی تصدیق ایده بیله جکفی و بونلری بلا مشکلات برلکده طوبلایوب بولوندره بیله جکفی و تحلیلک بوتون بویوک مسئله لرلر افرانده بیغدینی قارا کفی تدریجاً داغینه بیله جکفی کورمه مک اولور . بو مختلف نقطه لره تدقیقنه یا ناشمزدن اول بحث ایتدیکمز حدسک تک بر عمل اولمایوب هدیسی عینی جنسدن اولمقله برابر هر بریسی آیری نوعلرده و نامتاهی عمللر اولدینی

وبوتون بوعمللرك وارلق être ك بوتون درجه لرینه تقابل ایتدكلرینی كو سترمكله اکتفا ایدہ جكلز .

صیروړه یی تحلیل ایتلك ایسته سه م یعنی اولمش بیتمش مفهوم لره ارجاع ایتسه م مفهوم وتحلیلك ماهیتی اقتضایی علی العموم صیروړه حقه ندہ متخالف ایکی نقطه نظر آلمغه مجبور اولاجق و صوكر ا بونلرله اونی یكیدن ترکیب ایتمکی ادعا ایدہ جكم . ایکی ضدك ناصیل برلشه بیله جکی حوصله یه صیغما دیغندن اساساً معجزوی برشی اولاجق اولان بوتون ترکیب نه درجه لرك فرق لرینی ، نه ده صورتلك تنوعی كو ستره جك وبوتون معجزه لر کبی یا وار ویا یوق اولاجقدر . مثلاً دیه جكم كه صیروړه ده بر طرفه متوالی شعور حال لرندن مركب بر كمرت ، دیگر طرفه ده بونلری بر برینه ربط ایدن بروحدت وار . بوتقدیرده صیروړه ، وحدت و كثرتك قارا كلقلمده اسرارلی بر عملیه ایله حصول بولان ، انچه فرق و درجه لری ناصیل اکتساب ایتدیکی كوروله مه یں بر « ترکیب » ی اولاجقدر . همده بو فرضیه ده آنحق شعورك معتاد فعالیت کبی تك بر صیروړه موجود اولابیلیر . فكلرلی تثبیت ایچون دیه لم كه صیروړه یی ساده جه مكانده مقیم بر حرکت کبی آلیر و بو حرکتی « زمان Temps » کبی مفهوم لره ارجاع ایتمكه صاواشیرساق بر طرفه حرکتك بر مرسمندن ایسته ندیکی قادار نقطه لره ؛ دیگر طرفه ده بونلری بر كر دانلنگك انجیلرینی بر آرادۀ طوتان ایپ کبی بونلری بر برینه باغلایان مجرد بروحدته مالك اولاجقز . او مجرد كثرت ایله بو مجرد وحدت آراسنده ترکیب امكانی بر كره وضع ایدلدكدن صوكر ا بو ترکیبه معین بر مجموع اعدادك حسابده قبول ایدہ بیله جکی قادار آفات بولاماق چوق غریب اولور . فقط صیروړه یی تحلیل ایتلك ادعایی برینه صیروړه نك ایچنه اولاحدسك بر جه دیله برلشیدلیکی حالده او یله معین بر فور تention حسی آلینیر كه بونك تعیینی بیله نامتناهی صیروړه ممكنه لر آراسنده بر انتخاب کبی كورونور . اودقیقه دن اعتباراً ایسته ندیکی قادار وهپی ده بر برندن چوق فرقلی صیروړه لر تمیز اولونور ؛ بونلردن هر بری مفهوم لره ارجاع ایدلسه یعنی متخالف ایکی نقطه نظرله خارجاً ملاحظه اولونسه دائماً غیرقابل تعریف بر كثرت و وحدت ترکیبیه واریلیر .

عینی فكلری ده ها نولچولی افاده ایدلم . صیروړه یی ، انجی كر دانلنگك اینه مشابه بر وحدت رابطه سه بیله یكدیك برینه باغلی بر كثرت اوقات کبی ملاحظه ایتسه م ، انتخاب ایدله جك صیروړه نه قادار قیصه اولسه ، بو اوقات نامحدود بر عددده در . بونلری ایسته دیکم

قادار بر لرینه یا قین فرض ایده بیلدیکم کي بوریاخی نقطه لر آراسنده دایما دیگر ریاضی نقطه لر ولونه حق و بویه جه الی نهایه کیده جکدر . کثرت وجهه سندن نظر ملاحظیه آلیان صیورده نك دخی هیچ بر آنی امتداد اتمه بوب لحظوی اولدیفندن صیورده بوراده بر اوقات بخاری ایچنده قایب اولاجقدر . دیگر طرفدن اوقانك هیئت مجموعیه سنی باغلایان وحدتی ملاحظه ایتسم بوده فضله امتداد ایده من . چونکه صیورده ده تجلی ایدن متحول وقابل امتداد بوتون شیر فرضی اولارق هپ کثرت اوقات طرفنه قونمشلردر . دیمك که بو وحدت دخی ، اساسی تعمیق ایتدک . بکا زمانك غیر زمانی هیولاسی کي متحرک غیر متحرک بر هیولاسندن باشقه برشی کورونمیه جکدر : حیاتی یایان حرکیندن تجرید ایدمش اولان بویه بوش بر وحدته بن ابدیت ، ثولو ابدیت تسمیه ایده جکم . بر لرینه خصم اولان فلسفی مکتیلرک صیورده حقنده کي رایلری یاقیندن تدقیق ایدیلیرسه کورولور که فی الحقیقه بونلرک آرازلنده کي فرق ، وحدت ویا کثرت مفهوم لرنندن برینه ویریلن اهمیت فضله سنده در . ونلردن بر قسمی کثرت نقطه نظریه مربوط اولدقلرندن و بخارقادار اینجه لتوب داغیتدقلری صیورده نك متفرق آنلرینی مشخص برر شأنیت کي اورته یه دیکدکلرندن وحدتک یک یا نه حق برشی اولدیفنی ادعا ایده لر . دیگر بر قسم ده بالعکس وحدتی مشخص برر شأنیت کي اورته یه دیکدکلرک ابدیتده یرله شیرلر . فقط بو ابدیتلری بوش ودولایسیله مجرد دقالدیفندن و ابدیت مفهومی دخی مفهوم مخالفی اولان کثرت مفهومی طرد ایتدیکندن بو ابدیتک ناصیل اولوب ده نامتناهی بر کثرت اوقات ایله هم موجود اولاییله جکی قابل تصور اولماز . برنجی فرضیه یه باقیلیرسه صانکه هر لحظه بیتوب یکیدن باشلایان هواده معلق بر دنیا ؛ ایکنجی فرضیه ده ده نیچون کندنی ایچنه قاپانوب قالمایان و ناصیل اولوب ده اشیا ایله هم موجود اولغه کندنی بر اقدینی آکلاشیلامایان مجرد بر ابدیت نامتناهی واردر . بو فرضیه لرک ایکسندده زمان ، پسیقولوریک نقطه نظر دن نه درجه لر ، نه ده آفات احتوا اتمه یین ایکی تجریدک بر خلیطه سی کي کورونیور . هر ایکی سیستمه مدده آنجق هر شیئی کندنیسیله برابر اولوب کوتورهن یکانه بر صیورده ، قابل تعیین بر قوت اولقسزین بیلنه منبر استقامتده دینمز و کنار سز آقان برنهر واردر . حق بو برنهر بیله دکلددر ؛ چونکه بونهر آقانیور ؛ یالکیز بومذه بلرده کي منطقک دالغیلفندن بالاستفاده شأنیت اونلردن بوفدا کارلنی قازانیور . لکن اونلر کندیلیرینه کلدکلری دقیقه دن اعتباراً بو آقیشی یا متصل بر سطح بی پایانده ویا نامتناهی سیوریلش نقاطده یعنی دایما بر نقطه نظرک غیر متحرکیمه بالضروره اشتراک ایدن بر شی :

chose ده طوگدورو یورلر. حال بوکه حدسک برجه دیله ایلمک جمله ده صیورده نك مشخص آقیشی ایچنه یرلشیلیر یرلشیلمز کوروش بسبتون باشقه لاشیر. بو تقدیرده آرتق کثیر مختلف صیورده لر وضع ایتمکده منطقی هیچ بر سبب قالماز. ده آچیقه جه سی دنیا ده پورتقال رنگندن باشقه بر رنگک بولونما سی احتمالی کبی بوراده ده کندی صیورده مزدن باشقه بر صیورده قالمایه بیلیر. پورتقال رنگی خارجاً ادراک ایده جک یرده بونکله باطناً سه نپاتیزه اولاجق بر شعور کندیسینک قرمزى ایله صارى آراسنده تسخیر ایدلمش اولدیفنی حس ایده جک وبلکده صارینک آلتنده قرمزیدن صارى به طبیعی صورته اوزانان بوتون برطیفک دیومنتی برحس قبل الوقوعله سزه جکدر. بوصورته صیورده مزك حدس ایله ادراکی، تحلیل محض ادراکنک یایدینی کبی بزى بوشلقده، معلومه راققدن اوزاق قالارق هم آشاغی به، هم یوقاری به دوعرو تعقیبی تجربیه ایتمک مجبوریتنده بولوندیغمز بوتون بر صیورتلر دیومنتله تماسه قویه جقدر: هراییکی حالده ده کیتدکجه شدتلی بر جهد ایله ایسته دیکمز قادر انبساط ایده بیلدیکمز کبی وسطی حالمزى ده آشمش اولورز. برنجیده کیفیق کیتدکجه آرینه رک بسیط احساسمزى تقسیم ایدن، ضرباتی بز مکیلردن ده سریع اولان داغینیق بر صیورده به یورویورز: بونک انتها سنده محض تجانس ومحض تشابه اولاجق ومادیتی بو وصفقرله تعریف ایده جکمز. دیگر استقامته کیتدکجه کریلن، طوبالانان، تکائف ایدن بر صیورده به توجه ایتمکده یز: بونک انتها سنده ابدیت اولاجقدر؛ شوقادار وارکه بو ابدیت آرتق بولو بر ابدیت اولان مفهومی ابدیت اولمایوب جانلی وحرکتلی بر ابدیتدر. بزم کندی صیورده مز ایشته بوراده در. حدس دخی بوایکی اقصابی منتهاده حرکت ایدر و بو حرکت متافیزیکک کندیسیدر.

*
**

بو حرکتک مختلف مرحله لرینی بوراده قطع ایتمک موضوع بحث اولاماز. یالکمز حدس اصولی حنده عمومی برنظر عرض ایتدکن و بونک ایلمک تطبیقاتی کوستر دکن صوکر استناد ایندیکی برنسیپلری ممکن مرتبه مجمل تعییرلرله دستورلر حانه قویق فائده سز اولمایه جقدر. بوراده سرد ایده جکمز دستورلردن اکثریسینک دلیللری بو مقاله ده باشلامش اولوب دیگر مسئله لره یاناشدیغمز زمان بونلری ده مکمل بر صورته اثبات ایده جکمزى امید ایدیورم.

I. خارجی اولانده رغما رومنده بهو واسطه برهالده معطا اولده بر شائیت وارد .
 حس عامه Sen comun بونقطه ده فیلسوفلرک ایدمالیزم وره الیزمه قارش حقلیدر .
 II. بوشائیت ، حرکتیتدر . اولش شیله یوقدر ، بلکه ساده جه اولان شیلر
 وارد ؛ دوران حالات یوقدر ، بلکه ساده جه ده کیشن حالات وارد . کلام ، آنجق
 ظاهری یاخود دها زیاده اضافیدر . بالذات کندی شخصمز حقنده کی شعور من متادی
 آقیشنده بزى اوپله بر شائیت ادخال ایدره که بز باشقه لرینى بوموده له کوره تصور ایتکه
 مجبورز . بولا نظراً دوغمه اوزره بولونانه بر تحول تمایل دیمک مناسب اید هر شائیت ،
 تمایل دیمکدر .

III. صاعلام استناد نقطه لری آرایان ذهنمزلک حیات روزمره ده کی باشلیجه افعوله سی
 حالات : États و شیله Choses تصور ایتکدر . ذهن ، رهنه لك غیر متجزی حرکتیدن
 آنجق اوزاقدن اوزاغه نه نستانتانه (لظوی) دینه بیله جک منظره لر آلیر و بوسورتله ایدر
 وفکرلر آله ایدر . بونلرله دیموت یرینه عدم دیموتی ، حرکتیک یرینه استقراری ،
 تحول ایتکده اولان تمایلك یرینه تحول و تمایلك بر استقامتی کوستره ن ثابت نقطه لر اقامه
 ایدر . بواقامه ، حس عامه ، لسان ، عملی حیات وحقی بر آرزو کرانصریح ایدیه حکمی
 اوزره مثبت علم ایچون ضروریدر . فلان ، طبیعی سطح مائنی نقیب ایتدیکی زمانه
 بر طرفه منقلب ادراکلر ، دیمک طرفه منضمه مستقر تلفیلرله مایلیمیر . غیر متحرکدن
 باشلا یوق و حرکتی دخی آنجق حرکتیمزلک برتابی کی ادراک واقده ایدر . حاضر
 مفهوملر ده یرله شیر ، و بومفهوملر ایلر بر آغ کی کچن شائیتدن ایچنه برشی آلمه جهدا ایدر .
 بو آلیش هیچ شبه یوق که رهنه لك متافیزیک و درونی بر بیلکیمسی آله ایتک ایچون
 دکلدر . بو بیلکی ساده جه عمله نافع اولق ایچون آله ایدلشدر ؛ هر مفهوم (هر احساس
 کی) فعالیتمزلک شائیت صورتینی عملی بر سوال اولوب شائیت دخی بوسواله ، ایشلرک
 ایجابنه کوره ، برأوت ویا بر خایله جواب ویرر . فقط مطلق بیلکی اصل جوهر آلدن قاچار .
 IV. متافیزیکلک احتوا ایتدیکی مشکلرله تولید ایتدیکی تساوی قضیین : Antinomie لر
 و ایچنه دوشدیکی تناقضلر ، فلسفی مکتبلر و سیدسته ملر آراسنده کی تفرقلر وائتلاف قبول
 ایتز مخالفتلرک چوغی عملی غایله ایچون قوللاندیغمز بیلکی اصوللرینى رهنه لك حسبی
 بر بیلکیمسی ایچون دخی قوللانه مزدن یعنی تمایل و بالتیجه حرکت اولان شائیتی ، کندیسی
 الیهات مجموعه سی ، صابی : ۹

حرکتدن چیقاروب تثبیت ایتک وظیفه سیله موظف ادراک ومفهوملرله یکیدن انشائیتمک ادعاسندن ایلری گلکده در. حالبوکه نه قادر چوق اولورسه اولسون توقفلرله اصلاحرکیت یاییلاماز. فقط بونک یرینه حرکتدن باشلانیرسه تفکر واسطه سیله بوحرکتدن ایسته ندیکی قادر توقفلر استخراج اولونه بیلیر. باشقه تعبیرلرله سویله لم: **محرک شائیتیه تفکر من واسطه سیله ثابت مفهوملرک مقابله بیدرکی قابل ادراکسده ده نلک حرکتی مفهوملرک شائیتیه بیکیره یا محربه هیچ بر واسطه بوقدر. دوغما تیزم، سیستملر بانیسی اولارق، بو طرزده یکیدن انشایه دائما قایلیمشدر.**

V. فقط بومکتب موفقیتسزلرکده محکومدی. نیته کم ذکا منک مطلقه ایریشه میه جکی سویله یین بوتون سه یئیکلر، ایده السیتلر وقریسیستلرک مذهبلری هپ بو اقتدارسزلنی، همده ساده جه بونی مشاهده ایتشلردر. لکن باشایان شائیتی قاتی واولمش یتمش یاخود حاضر مفهوملرله یکیدن یا بمقده دائما موفقیتسزلرکده اوغرایورسه قی بوندن اوننی باشقه بر طرزده یا قالا یه مایه جغمن نتیجه سی اصلا چیقماز. **ایمیری بلیکیمزک اضافیتی مقفده سرد ایلرله اولاره دلیللر تا کوکلر منده مقولرلر؛ چونکه بونلر دخی، نهربصه ایتدکلری دوغما تیزم کبی، هر بلیکیمک بالضروره ثابت جرمیه ولی مفهوملرده حرکت واقانه شائیتی بونلر واسطه سیله ضبط اتجیبی فرمه ایمیورلر.**

VI. فقط حقیقت شوکه بزم ذکا من بونک عکسی اولان بر یولدن ده کیده بیلیر. مثلاً متحرک شائیتیه یرلشه بیلیر وبونک لاینتقطع متحول اولان استقامتی قبول ونهایت بونی حدس تسمیه ایدیلان ذهنی بر سر نیانی ایله یا قالا یه بیلیر. واقعا بو، صوک درجه ده مشکلدرد. بونک ایچون لازمدرکه روح اولا کندیسنی زورلا سین، معتاد تفکرینک استقامتی بر عکس ایتسین، بتون مقوله لرینه یکیدن باشلا سین، یاخود ده اینیسی بونلری لاینتقطع یکیدن دوکسون. تا که شائیتی بتون قیوریملریله تعقیب ایده بیلرک وایشانک درونی حیاتنک حرکتلرینه یا قلا شه بیلرک سیال مفهوملره واصل اولسون. آنجق بو صورتله مکتبلر آراسنده کی نزاعلرو صنفی تعبیرلرله تبعاً موضوع بولونان مسئله لر دن قورتولونه جق وبونلری طبیعی بر صورتده حل ایتمه مستعد مترقی بر فلسفه تأسس ایده جکدر. فلسفه یا محربه، تفکرک مقدار استقامتی بر عکس ایتلر.

VII. بوا یسه شیمدی یه قادر اصول دائر دسنده اصلا یا بیلمادی. تعمیق ایدلش بر

تفكر بشر تاريخي كوسترزه كه كرك علم و كرك متافيزيكد يابيلمش اولان كه بيوك وحياني
 كشفلهپ معتاد تفكر استقامتنك برعكس ايدلمه سيله حصول بولمشدر. ذهن بشر كه قوللاندني
 اك قدر تلي استقصا اصوللري ، اعظم واصغر نامتناهي تحليللري هپ بو برعكس ايتمدن
 دوغمشلردر. نيته كيم موده رن رياضي بهاشدن آشاخي اولميه ينميه Tout fait يرينه اولقمه
 اولوني Se faisant اقامه ايتك جهدينك افاده ييدر. بوراده مقاديرك تولدني تعقيب ايتك
 وحركتي خارجدن يعني وجود بولمش حاصله سندن دكل ده ايچيندن ، تحوله اولان نمايلندن
 يعني متحرك ديمومندن قاورامق ايچون اولميه ينميه يرينه اولقمه اولومه اقامه ايدلديكي محقذر.
 واقعا منشأي حدس اولان بورياضي دخی شايان حيرت تطبيقاتي آنجق بعض سه نبوللرك ايجاديله
 تأمين ايتمشدر . فقط هيچ بر تطبيقاتي استهداف ايتمين متافيزيك ، حدسي سه نبوله قلب
 ايتمكدن اجتنابه مقتدر واكثريا مجبور اولاجني كي بالعمل قابل انتفاع حاصله لره منتهي
 اولق مكلفيتندن دخی آزاده بولونمق حسييله استقصا لرينك ساحه سني نامتناهي بر صورتده
 بويوته چكندن علمه نسبتله فائده و قطعيتدن قاب ايتمه سته مقابل هدف ووسعتدن قازانه چقذر.
 اكر رياضي ، منحصرأ مقاديرك علمي ايسه رياضي تيك عمليه لري ساده جه كيتلره قابل
 تطبيق بولونويورسه اونومه ملي كه كيت ، دائما دوغمق اوزره بولونان بر كيفيتدر: دينه بيليركه
 انتهاي حال ووقعه دخی بو دوغمق اوزره اولان كيفيتده در. بناء عليه رياضي مزك بو ولود
 فكريك بتون كيفيتلره يعني بالعموم شأينه توسيع ايدلك اوزره متافيزيك طرفندن قبول
 ايديله سي پك طبيعي در. مع مافيه بونكه موده رن فلسفه نك توهم ايتديكي او معهود
 رياضي كلييه : mathématique universelle يه دوغرويول آينه جنی اصلاطن ايديله سين .
 بالعكس بومتافيزيك يول آلدقجه سه نبوللره ترجمه ايديله ميه چك شيلره ده اچوق راست
 كله چكدر . فقط هيچ اولمازسه ره نكلك ديمومت وحركتي ايله الكشايان حيرت بر صورتده
 نافع نقطه لر دن تماسه كلكه باشلايه چق و بوراده بالذات كنديسني ، شبهه سز پك محدود ، فقط
 پك ده ضيادار عكس ايتديره رن بر آينه ده تماشا ايد چكدر . احواله كه رياضي عمليه لرينك
 مشخص شأيتدن استعاره ايتديكي شيلري فائق بروضوح ورونق ايله كوره چك و رياضي
 عمليه لري واديسنده دكل مشخص شأيت استقامتمنده يولنه دوام ايد چكدر . دينه بيليركه
 متافيزيك موضوعي ، تقاضل و نغامي كفيله اوزرله عمليه لره ايتمكدر .

VIII. متافيزيكك بوموضوعي نظردن قاب ايتديره رن و قوللاندني بوللرك منشأي حقتده
 علمي سيله آلداتان شي شودر: معلومدر كه حدس بر كره آله ايدلديمي همان عقينده تفكر مزك

اعتیاد لرینه مطابق وزه پک زیاده محتاج اولدیفمن محکم استناد نقطه لرینی تدارک ایدمک حقیقه ثابت مفهوملمده بر افاده و تطبیقات بولمه مجبوردر . علمی قطعیت و علمی تعین دیدیکمز شیرک شرطلری بوراده اولدینی کبی عمومی اصولک خصوصی حالله نامحدود بر صورتده تشمیلی ده بورادهدر . بوتشمیل ، بوتکمیل منطقی سعی عصرلرجه تعاقب ایده بیلدیکی حالده علمی اصولک دوغوروجی عملی اولان حدس آنجق بر لحظه دوام ایده بیلیر . علمک منطقی جهازینی اکثریا علمک کندیس کبی آله مزک سبی ایشته بوراده یعنی بر جهازک کافه متافیزیک حدسدن چقمش اولدیفنی اونومه مندهدر .

فیلسوف و عالملرک علمی بیلکینک « اضافیت » ی حقیقه سویله دکلری بوتون شیرلدخی هپ حدسک اونوتوله سندن ایلری کلکدهدر . اوده ، اولومه موجود اولومه و ثابتومه متحرکه کیدهده مفهوملمده وجوده کلمه سربولیک بیلکی اضافیدر ؛ فقط متحرکه برلرینی وایشانک میاننی قبول ایدومه هرسی بیلکی اضافی دکلر . بو حدس ، مطلقه ایردر .

دیمک که علم ایله متافیزیک ، حدسده برله شیورلر . حقیقه حدسی بر فلسفه ، متافیزیک ایله علمک بونجه زماندر آرزو ایدیلن اتحادینی تحقق ایتدیره چکی کبی عینی زمانده متافیزیکی دخی مثبت بر علم حیثیتده - یعنی مترقی و نامحدود بر صورتده تکمیل ایده بیلیر بر حالده - تأسیس ایدمک و فضله اولارق تام معناسیله مثبت علملمده حقیقی هدفلرینک شعورینی تصورلری فوقنده دویورارق متافیزیک ده فضله علم ، علمده ده فضله متافیزیک قاناجقدر . داهاسی وار : نتیجهده مختلف مثبت علملرک تاریخلرنده اوزاق فاصله لرله و آنجق دهه سایه سنده آله ایدلش اولان حدسلرک آراسنده کی دیمومی : Continuité ده میدان چیقاره جقدر .

IX - معلومدرکه اسکی فیلسوفلرک عمومیتله دوشوندکلری برشی واردی : بونلر ایستورلردی که اشیانک کنهی بیلجک ایکی فرقلی بیلکی طرزنی اولماسین و مختلف علملرک کولکری متافیزیکده بولوفسون . الحق بوطر زده دوشونمکده هیچده خطا اتمش دکلردی . ذهن بشره پک طبیعی کلن بوعتقاده اونلر بر متبدلک غیر متبدللرله افاده و ایضاح اولونه مایه جنی فکرندن ملهم اولمشلردی . ینه بوعتقاد سوقیله درکه فعل : Action اونلرجه ضعیفه مش بر تماش : Contemplation ؛ صیورده ، غیر متحرک ابدیتک آلدایچی بر خیالی ؛ روح l'Ame دخی مثال : L'Idée ک بر سقوطلی ابدی . (افلاطون) دن باشلا یوب (پلوتن) • قادار واران بوفلسفه : « غیر متبدله متبدلن فضله سی واردر و مستقر دن غیر مستقره آنجق

بر اکسیله ایله یکیلیر « صورتنده بردستورله افاده ایده بیله جکمز برپرنسیپک انکشافندن، عبارتدر . حقیقت ایسه بونک تام عکسیدر .

موده رن علم ، حرکتی مستقل برشأنیت اولارق طانیدینی تاریخندن یعنی مائل برسطح اوزرنده یووارلانیان بریووارلاغک حرکتی (آرسطو) کی یوقاری و آشاغی طرزنده ایکی ثابت مفهومله ایضاحه صاواشقی پرنسیپک ترکیله (غالیله) طرفندن بو حرکتک باشند آشاغی کندیسيله و کندیسنده تدقیق ایدلمک قرار قطعینسک اتخاذندن اعتباراً باشلار . و بو قرار علم تاریخنده منفرد بر واقعه اولمایوب ، بکا قالیرسه ، بویوک کشفلرک چوغی ، هیچ اولمازسه مثبت علملری استحاله ایتدیرمن ویگیلری یارامانلری هب اشیایی ذاتنده و ذاتیله همحال اولارق یعنی صیروره محضه لری ایچنده تدقیق ایتمه ک اثرلریدر . ذاتاً شأنیه نه وقت دریندن تماس ایدلمش ایسه ماهیتک کشفی ایچون آتیلان صونداده اوقادار درینله شمشدر .

یالکز دکنزک دینه آتیلمش اولان صوندا بورادن سیال برکولچه کتیردییی حالد کونش بونی درحال قوروتورق ناصل دیمومتسز : diacontinuum برطاقم قوم دانه لینه قلب ایدیورسه حدسک اعماق اشیادن چیقساردینی سیال حقیقت دخی مدرکک شماعلری آلتنده درحال طوکش ، متفرق و غیرمتحرک مفهوملر اولویور . اشیانک جانلی حرکتی ایچنده مدرککی علاقه دار ایدن شیلر ، حقیقی و یا بالقوه دوراق یرلره عزیمت و مواصلت نقطه لریدر . فی الحقیقه تفکر بشر ایچون ساده جه عملی اولارق مهم اولاندرده بونلردر . دوراقلره عزیمت و مواصلت نقطه لری آراسنده اولوب بیتن شیلری یاقالامق بو علاقه ایچون فضله برشیدر . فلسفه ایسه آنحق بو علاقه یی اعلا ایچون پایلان برجه د اولابیلیر .

عالملر نظرلری بالذات حدسندن زیاده بونک آجیدینی یولده صیرالادینی مفهوملره دیکمشلر و سه نبول حالنده اولان بو کچمش بقیه لری ملاحظه ایده ایده بوتون علملره سه نبولیک برسجیه عطف ایتمشلر و علمک بوسجیه سه ایناندیجه بونی تحق و تشدید ایلشلردر . ده ا دوغروسى مثبت علمده طبیعی ایله صنئی یی ، حدسک بلا واسطه معطاسیله مدرککک حدس اطرافنده یابدینی کنیش مساعی یی تفریق ایده مز برحاله ککشلر و بویله لکله بوتون بیلکیلر مزک اضافیتی تصدیق ایدن برمذهبک یولنی حاضرلامشدر .

متافیزیک دخی بونلردن هیچ کری قالمادی .

متافیزیکچی اولدقلری قادار علمک مجددلری اولان موده رن فلسفه استادلری شأنیتلرک

متحرک دیموسترینی ناصیل حس ایتمیدیلر؟ مشخص صبروره تسمیه ایتمدیکمزشیئیک ایچنه ناصیل
یرلشمه دیلر دییه جکسکمز؟ اوخ، بونی ایناندقلرندن و بالخاصه سویله دکلرندن فضله یابدیلر.
نینه کیم اطرافنده سیسته ملرک تعضو ایتمدیکی حدسلر بلافاصله بررلرینه باغلانسه الی مرکز
وعن مرکز دیگر بر جوق خطلر یاننده حس و تفکرک تعقیب ایتمش اولدینی پک معین
استقامت در حال میدان چیتا جقدر. بومکفی latent تفکر عجبانه در ووحسی ناصیل افاده
ایتملی؟ بوراده افلاطونخیلرک لسانلرندن استعاره و بونلری پسیقولوژیک معنالرندن
تجرید ایده رک مثال Idée. بر نوع سرل معقولیت تأمیانی، روح l'Ame. ده بر نوع
صبات مضوره سزلفی تسمیه ایده رک دییه جکمز که موده رن فلسفه ده کوروغز بر جریان، روح:
l'Ame ی مثال: Idée ک فوقه یو کسالتمه که کوتوروپور. بوصورتله اوده موده رن علم
کبی، حق دها زیاده، قدیم تفکرک عکسی اولان بر استقامته دوغرومیل ایتمکده در.
فقط بو علم کبی بو متافیزیک ده اوزون حیاتلرنده سه نبوللرله اورولمش زنکین رقاش
دوقودقلرندن و علم دخی تحلیلی انکشافنده سه نبوللره محتاج بولوندیغندن اولاجق که متافیزیک
باشلیجه حکمت وجودینک سه نبوللرله قطع علاقه ایتمه سی اولدینی اونوتولمقده و مدرکه
بوراده تثبیت، تقسیم و یکیدن انشادن عبارت اولان ایشنی تعقیب ایتمکده در. واقعا بونی
خیلی فرقلی برشکلده یابدی. باشقه یرده بر تفصیل عرض ایده جکمز بو نقطه اوزرنده
اصرار ایتمیه رک یالکمز شونی سویله مکله اکثفا ایده جکمز که مستقر عنصرلر اوزرنده چالیشمق
رولنده اولان مدرکه، کرک مناسبات و کرک اشیاده استقرار آریه بیلیر. مناسبت
مفهوملری اوزرنده چالیشدق، علمی سه نبولیزمه؛ شیلر مفهوملری اوزرنده چالیشدق ده
متافیزیک سه نبولیزمه منتهی اولور. فقط هرایکی حالده ده ناظملق مدرکه دن کایر.
بویله اولونجه مدرکه کنیدی پک اعلا مستقل ظن ایده بیلیر. بوعتبارله شایتک درین حدسنه
نه قادر مدیون اولدینی آئنده طایمقدن زیاده بوتون آئرنده سه نبوللرک صنی برتنظیمندن
باشقه برشی کورمه مک معروض قالیر. متافیزیکجیلرله عالمرک سویله دکلری ویا یابدقلری
مادیت اوزرنده حرفیاً توقف ایدلسه ظن اولونور که برنجیلر شایتک آئنده درین برتونل
آچمشلر، ایکنجیلرده بونک اوسته ظریف بر کوپرو قورمشلر و اشیانک متحرک نهری
ایسه بویکی صنعت اثری آراسندن هیچ برینه تماس ایتمدن کیتمکده در.

(قانت) انتقادجیلرک آجدینی باشلیجه صنعیلک کردن بری، متافیزیکجینی و عالمی
حرفیاً آلاق متافیزیک و علمی سه نبولیزمک کیده بیله جکی صوک حده قادر کوتورمک

اولدی ؛ ذاتاً مدرکه ، تهانکه ایله دولو براستقلال طلب ایتدکدن صوکر اواره جفی نقطه طبعیتله بوراسی اولاییلیدی . علم و متافیزیکک ذهنی حدس ایله اولان ارتباطلری برکده طایفمق ایسته نه دکدن صوکر علممزمک تماماً اضافی و متافیزیکمزمک صنعی اولدیغنی اثبات ایتک (قانت) ایچون آرتق کوچ برشی دکلدی . مدرکه نک استقلالنی هر ایکی حالدهده افراطه واردیران بوفیلسوف ، متافیزیک و علمی ایچیریدن بربرینه باغلایان ذهنی حدسیده استصغار ایتدیکندن علم اونک نظرنده اولانجه مناسبت مفهومملریله بر صورت قشرندن ، متافیزیک دخی اولانجه شیر مفهومملریله بر ماده قشرندن باشقه برشی کی کورونه مزیدی . علمک ایچ ایجه کیرلمش چرچیوه لردن ، متافیزیکک دخی خیالتلر آرقه سندن قوشان خیالتلردن عبارت کورونه سنده آرتق تعجب ایدیله جک نه اولاییلیر ؟

بوفیلسوفک علم و متافیزیکمزمک باشنه ایندیردیکی ضربه لر اوقادار شدتلی اولمشدرکه شاشقینلقدن حالا کندیلرینه کله مه مشلدرده . چونکه علمده تماماً اضافی بریلکی ، متافیزیکده بوش بر سبه کولاسیون کورمه ک بزم ذهنمز قولایجه راضی اولور . نیته کیم (قانت) ک انتقادی حالا بوکون بیله بوتون متافیزیک و بوتون علمه یاقیشدیریلیور . حقیقت حالده بو فلسفه بالخاصه اسکیلرک فلسفه سنه ، کذاینه اسکیلرک قوللانونوبده یکیلرک اکثریتله ترک ایتدکلری صورت la forme تلقدیسنه اویغون کلیر . هیچ شبهه یوق که قانت فلسفه سی ، بزه اشیانک یظاه مکمل بر سیسته منی ویرمک ایسته یین بر متافیزیک ایله یینه یظاه بر مناسبت سیسته می اولاجق بر علمه و نهایت افلاطونک مثل نظریه سی ویا بر یونان معبدی کی معماری بر بساطت عرض ایدن بر علم و متافیزیکه مرجحدر . اکر متافیزیک کندیسندن اول صاحب اولونان مفهومملره تشکل ایتمکی یاخود بر بناده قوللانیلان مازمه کی اولدن موجود فکرلردن ماهرانه بر ترتیب ایله وجوده کتیرلمش برشی اولمی ادعا ایدر و نهایت بو کونکی فکرلرمزمک و بوکونکی بسیط منطقمزمک اعلاسی ایچون متادیا تجدید ایدیلن برجهده ودائی رذهن انبساطی دکل ایسه مدرکه صرفه نک بوتون اثرلری البته صنعیدر . علم دخی باشند آشاغی بر تحلیل ایشی ، یاخود مفهومی بر تصور ایسه و علمک خدمتی سساده جه « آیدین فکرلر » ی تحقیقه یارامقدن عبارت ایسه یاخود هر شأیتک حرکت ذاتیه سی ایچنه یرلشمک صورتیه متنوع و کثیر حدسلردن باشلایه جق برده ره نک کایتی اوکجه دن قورولمش بر آغ ایچنده حبس ایدن یگانه بر مناسبتلر سیسته می وکلی بر ریاضیه اولمق ادعا سنده ایسه علمک بویله سی بلاشبه بشر مدرکه سنک منحصرأ اضافی بریلکیسی اولور . عقل فضاض

انتقادی نام اثر دقتله اوقونورسه کورولورکه (قانت) نظرانده علم، برنوع کلی ریاضیه، متافیزیک ایسه بر بارچه جک تسویه کورمش بر یهونوئیزم در. دوعروسی سویله مک لارمکلیسه کلی ریاضیه رؤیاسی دخی پلاتونیزمک بریس زنده لکندن باشقه برشی دکدر. چونکه پلاتونیزمده کی مثل عالمی نه ایسه کلی ریاضیه رؤیاسی دخی اونک باشقه برلسانله افاده سندن عبارتدر. بعض موده رن فیلسوفلرک بورؤیاسی (قانت)، برشایت کی آلمش وفضله اولارق هر علمی بیلکینک کلی ریاضیه دن مفرز بر بارچه دن باشقه برشی اولمادیغه ایناعمشدر. کیفیت بویه اولونجه «انتقاد» ک باشلیجه وظیفه سی بو ریاضیه بی تأسیس ایتک، یعنی غیر متقطع بر ریاضیه نک ذکایله اشیای بر لرینه باغلايه بیلیمک اوزره بونلرک فاصیل اولماسی لازمکلیکی تعیین ایله مکدر. ممکن اولان بوتون تجربلر مدرکه مزک اوکجه دن تشکل ایتش متصلب چرچیولری ایچنه بوصورتله بالضروره ادخال ایدلد کدن صوکر (بر آهنگ متقدم فرض ایدیلسه بیله) مدرکه من طبیعی بالذات تفسیق ایدیور وعینی زمانده کنیدیسی بوراده برآینه ده کورورکی بکیدن بولیور دیمک اولور. ایشه بوتون مؤثریتی اضافلکنه مدیون اولاجق بر علم ونم متافیزیکمک امکانسزلنی بورادن چیقیور؛ بو فلسفه یه کوره علمک مناسبترلر اوزرنده کمال جدیدته تعقیب ایتدیکی مفهومی تدوینات ایله اشیانک خیالتلری اوزرنده تقلید وتنظیرلرده بولونمقدن باشقه متافیزیک ایچون یا به جق هیچ برشی یوقدر. الاصل، «عقل محصر» ک بوتونه «انتقادی» ی شول مضر اولیور: یهونوئیزمده کی مثاللر: Idée، شایر: choses ایسه بویهونوئیزم غیر مشروردر؛ بوقه بو مثاللر مناسبترلر ایسه بویهونوئیزم مشروردر؛ ومکمل یاخود حاضر مثال، (افهوطونه) ک ایسته مسه اولریقی کی بوصورنه سماده موقع حقیقیسی اولانه ارضه اعاده ایلرکمره صکره تفکر وطبیعتک مشترک اساسدر. «عقل محصر» ک بوتونه «انتقادی» دخی نوموضوعیه مسقردر: زلامه، حکمی اولانه بوتونه تجربه لری اولانه موجود اولانه قالیبلره دوکمره باشقه برشیه مقتدر دکلمر.

بوتون مسئله ایشه بوراده در. بیلکی، فی الحقیقه (قانت) ک ایسته مش اولدیگی کی ایسه طبیعتده، (ارسطو) نک ظی وجه ایله، اوکجه دن تشکل ایتش و اوکجه دن دستورلر حاله قونولمش بسیط بر علم وارددر. اشیاده بویه بر منطق فی الحقیقه مندیج ایسه بویوک کشفیلر، دوناما کیجه لرنده برسانک اطرافنی ترسیم ایتش غاز قوردوننک صیره ایله

طوتوشدیریلیمسی کبی، اوجکهدن ترسیم ایدلمش برخطی نقطه نقطه طوتوشدیرمقدن عبارت اولاجقدر. متافیزیک بیلکی دخی (قانت) ک تصور ایتمش اولدینی کبی ایسه بویه بریلکی، بوتون بویوک مسئله لره قارشى عینی امکانده وبربرلینه تماماً معارض اولاجق واونک بالجه تظاهرلی، بوتون برأبدیت ایچون بالقوه دستورلاشمش ایکی حلدن برنی عندی ودائماً موقت اوله رق ترجیح ایتمکدن عبارت قالارق تساوی تفیضین لر : les antinomies له یاشایه حق وئوله جکدر . فقط حقیقت شوکه نه موده رن علم بویه تک خطلی بر بساطت ، نه ده موده رن متافیزیک هیچ آزالیتلاماز مخالفتلر عرض ایدر .

موده رن علم نه بر نه ده بسیط اولوب نهایت النهایه آیدینلق اولدینه حکم ایدیلن فکرلره استناد ایدر؛ یالکز بوفکرلر استعمال یعنی قولالایشلیلق قابیلترلیه تدریجاً آیدینلاشمش لر بوتون ضیالرینی سوق ایدلدکلی تطبیقاتدن آلمش لدر . اساساً بر مفهومک آیدینلنی ده تأمین ایتدیکی استفاده دن باشقه برنی دکلدر . نیتیه کیم بونلرک چوغی مبدأده ، علمک اولجه قبول ایتمش اولدینی فکرلره یک فنا قابل تألیف وحق محاله یاقین برحاله قاراکلق کورولمش لدر . علم، (قانت) ک تصور ایتدیکی کبی هیچ ده بربری ایچنه کمال صحنه کیرمه سی مقدر مفهوملر صورتنده تشکل ایتمه مشدر . حقیقی وثمر فکرلر هپ شأیت جریانیله آیری آیری واقع اولمش تماسلرک محصوللریدر وبوتماسلر دخی بالضروره عینی نقطه ده تمرکز ایتمز لر . یالکز مفهوملرک وضع اولوندقلری یرلرده متقابل دلاک و تماسلر نتیجه سنده ، زاویه لرینی مدورلشدیرمک صورتیه آره لر نه دأماً آینی کوتو برانستظامه واصل اولدقلری قابل انکار دکلدر .

دیگر طرفدن موده رن فیلسوفلرک متافیزیکاری ده هیچ آزالیتلاماز مخالفتلره منجر اولایله جک درجه ده جذری حللردن یاپلمش دکلدر . هیچ شبهه سز بویه اولوردی ، شاید تساوی تفیضینلرک antinomies ک مدعا و تفیض مدعالرینی عینی زمان وعینی زمینده قبول ایتک ایچون هیچ برواسطه اولماسه یدی . لیکن فلسفه یاقیق ، « انتقاد » ک مشخص شأیت حقیقه خارجی برکورو شله یاپدینی کبی مدعا و تفیض مدعا طرزنده متخالف ایکی نظر آماق اولمایوب حدسک برجه دیله بو شأیتک ایچنه یرلشمکدن عبارتدر . مثلاً بوزرنکی اصلاً کورمه مش اولسه یدم بیاض ایله سیاهک بربرلینه ناصیل قیناشه جقلرینی اصلاً تخیل ایده مزدم ، فقط اونی بر دفعه کوردکدن صوکرآ بیاض و سیاه کبی مضاعف بر نقطه نظر دن ناصیل تصور ایده ییله جکمی زحمتسزجه آکلارم . تملی حدس اولان

مذهب‌لر ایسه حدسی اولدقلری نسبتده (قانت) انتقادجیلغنک ادراک‌ساحه‌سندن قاجیور .
نزلده‌کی طوکش ونولو متافیزیک دکلده فیلسوفلرده‌کی جانی متافیزیک آلینمق شرطیله
بوتون متافیزیک بو مذهب‌لرده در .

مکتبلر یعنی بویوک بر قاج استاد اطرافنده تشکیک ایتیش تلیمده زمره‌لری بیلنده‌کی
اختلاف‌لرک بارز اولدیغی محققدور . فقط بواختلاف‌لر استادلر آراسندهده اوقادار قطعیمیدر ؟
بونلرده سیستم اختلاف‌لرینک فوقنده حاکم اولان اوایلہ بسیط وبراق برشی وارکه بونی
عینی بردک‌لرک دینه آز چوق کیتمش وهر دفعه‌سنده مختلف مواد کیترمش برصوندایه
بکیزه‌تہ بیلیرز . تلیم‌لر عمومیتله بو ماده‌لر اوزرنده چالیش-سیدقلری کبی تحلیلمک رولی ده
بوراده‌در . استاده دکلرک دیندن چیقاردیغی شیئی فورموللره دوکیدیکی مدتجه کیتیردیکی
شیئی مجرد فکرلرله توسیع وترجه ایدن یعنی بالذات کندی کندیسنک تلیمده اولان
برکیمسه دیکدر . فقط اشبو تحلیلی حرکتیه کیتیرن وبو تحلیلمک آرقه‌سنده کیزله‌نر
بسیط عمل ، تحلیلدن غیری اولان برملیکدن صادر اولورکه بوملکه تعریف نتیجه‌سنده
حدس در .

آرتق نتیجه‌یه کلهلم: حدس ، هیچ‌ده اسرارلی برشی دکلدر . آرامزده کیمسه یوقدرکه
بوملکه‌کی وسیع نسبتنده قوللانمیش اولسون . مثلاً ادبی برقومپوزیسیون یا بقا تجرجه‌سندمه
بولونانلر ، موضوعلری اوزون بویولتدقیق ، بوتون وثیقه‌لری جمع وبوتون نوطلری آلدقن
صوکر بالذات قومپوزیسیون ایشنه باشلادقلری زمان موضوعک قبیکانه برلشه بیللمک
وکندیلریغی هان سوروکلہ یوب کوتوره‌جک امکان نسبتنده درین بر الجایی آریوب بولمق
ایچون اکثریا چوق زحمتلی برجهد لازم اولدیغی پک اعلا بیلیرلر . بوالجاء ، برکره
کلدکدن صوکر ، ذهنی اوایلہ بریوله آتارکه بوراده هم طوبلادیغی معلوماتی ، همده
دها بیکلرجه تفرعاتی تکرار بولدیغی کبی کندیغی آرتق‌نهایتسز تعبیرلرله ده توسیع وتحلیل
ایده بیلیر ؟ وکیدلکجه بونلرده اولنسبتنده کشف اولونور ، اوحالده که موضوع حقنده
هرشیئی سویله‌مش اولمغه اصلا واریلہ ماز: حتی همان آرقه‌مزده حس اولونان بوالجایی یا قلامق
ایچون اوکا دوغرو آکسزین دوفسه‌ک در حال صیویشوب قاجدیغی کورورز ؛ چونکه او ،
برشی دکل ، بر حرکت استقامتی ، ونامتاهی برصورتده قابل توسع اولمقله برابر عینی زمانده
بساطتک تا کندیسیدر . ایشته متافیزیک حدس دخی بوجنسندن برشی کبی کورونویور .
یالکیز بوراده‌کی حدس ، ادبی قومپوزیسیونک نوط و وثیقه‌لری رینه ، مثبت علم طرفندن

طوبیلاشمش مشاهده وتجربه لرك هيئت مجموعہ سنہ معلقہ در. چونکہ شأنيك سطحی تظاهر لریله اوزون بر آرقداشلق یاپوب بونلرك اعتماد لری قازانمادقچه اوندہ کی درونی شئيك حدسی یعنی ذهنی سه نیاتیسفی آلدہ ایدہ مہیز. بورادہ یالکیز بارزو واقعہ لری تمثیل ایتک موضوع بحث اولمایوب بونلردن معظم بر کتلہ نی هيئت مجموعہ سیلہ تمثیل وبو تمثیلہ عالم لرك مشاہدہ لری انسانندہ مشاہدہ لرینک اساسنہ هیچ خبر لری اولمادہ قاندقلری متقدم و طور فاندہ بوتون فکر لری بر برلرینہ قارشى تأثیر سز بر ارقق لازمدر. بویایلمادقچه سچیلہ بیلیر، قطعی ومؤثر بر حدس جہدینہ هیچ بر یردہ امکان اولماز. نیتہ کم بونک ایچوندركہ مودہ رن فلسفہ نك بوتون استاد لری زمانلرنده کی علمک اولانجہ مالزمہ سنی هظم وتمثیل ایتشلردر. متافیزیکک یاریم عصر دن بری اوضرادینی جزئی کسوفک سببی، الیوم لزومندن فضلہ تنوع وتکثر ایتش اولان بر علمہ تماس ایتکده فیلسوفک اوضرادینی خارق العادہ مشکلاتدہ در. متافیزیک حدسہ آنحق مادی بیلکیلر اعانہ سیلہ واصل اولونماسنہ رغماً بوحس، مادی بیلکیلرك بر زبدہ سی یاخود ترکیبی اولمقدن باشقہ برشیدر. مثلاً بر حرکت الجاسی ایله بر متحرک قطع ایتش اولدینی یول، کذا بر ساعت زنبركنک توتری ایله بر ساعت رقاصنک صرئ حرکت لری ناصیل آیری شیلرسہ متافیزیک حدس ایله مادی بیلکیلر دخی بر برلردن اویلہ آیریدر. بومعنادہ بر متافیزیکک، تجربہ نك تعمیمی صورتندہ آکلاشیلان بر متافیزیک ایله هیچ بر مناسبتی یوقدر. ہم آکلادیغ متافیزیک، بر تجربہ تمامی: l'experience integrale در دیبہ تعریف ایدیلہ بیلیر.

مصطفی شکیب

